



柳文

自三十四  
至四十四

~ 16  
2627  
6



18  
2627  
6

唐柳先生集卷之三十四

書

與大學諸生喜誦闕留陽城司業書

二十六日集賢殿正字柳宗元敬致尺牘大學諸生  
 足下始朝廷用諫議大夫陽公為司業諸生陶煦醇  
 懿熙然大洽于茲四祀而已詔書出為道州僕時通  
 籍光範門按漢書註通籍者為二尺竹牒記其年紀  
 名字物色懸之宮門按省相應乃得入  
 就職書府聞之悒然不喜悒乙及切  
 不樂也非特為諸生戚  
 戚也乃僕亦失其師表而莫有所矜式焉既而署吏  
 有傳致詔草者僕得觀之蓋王上知陽公甚熟嘉美



顯寵勤至備厚乃知欲煩陽公宣風裔土覃布美化  
 于黎獻也遂寬然少喜如獲慰薦于天子休命然而  
 退自感悼幸生明聖不諱之代不能布露所蓄論列  
 大體聞于下執事冀少見採取而還陽公之南也翌  
 日退自書府就車于司馬門外聞之於抱關掌管者  
 道諸生愛慕陽公之德教不忍其去頓首西關下懇  
 悃至願乞留如故者百數十人輒用撫手喜甚震抃  
 不寧不意古道復形于今僕嘗讀李元禮嵇叔夜傳  
 觀其言太學生徒仰闕赴訴者僕謂訖千百年  
 不可覩聞乃今日聞而覩之誠諸生見賜甚盛於戲

李膺 嵇康

與鳴 呼同

始僕少時嘗有意遊太學受師說以植志持身  
 焉當時說者咸曰太學生聚為朋曹侮老慢賢有墮  
 窳敗業而利口食者墮徒果切 窳以主切有崇飾惡言而肆闢  
 訟者有凌傲長上而誅罵有司者許蘇內息醉 二切罵也其退  
 然自克特殊於眾人者無幾耳僕聞之恟駭怛悸恟 虛角  
勇虛容二切怛當 割切憚其季切良痛其遊聖人之門而眾為是嗜  
 嗜也潘云嗜徒合切詩嘽沓背憎釋文沓作 嗜注嘽嘽嗜嗜相對談語背則相憎遂退託  
 鄉閭家塾考厲志業過太學之門而不敢踟顧踟音 局  
 尚何能仰視其學徒者哉今乃奮志厲義出乎千百  
 年之表何聞見之乖刺歟刺盧達 切反也豈說者過也將亦

時異人異無嚮時之桀害者耶其無乃陽公之漸漬  
導訓明效所致乎夫如是服聖人遺教居天子太學  
可無愧矣於戲陽公有博厚恢弘之德能容善偽

下有并字來者不拒曩聞有狂惑小生依託門下真元十四年太

學生薛約言事得罪謫連州陽城送之或乃飛文陳

愚醜行無賴而論者以為言謂陽公過於納汗無人

師之道是失不然仲尼吾黨狂狷南郭獻譏荀子法行篇南

郭惠子問於子貢曰夫子之門何其雜也曾參徒七十二人致禍負芻孟

軻館齊從者竊履孟子出彼一聖兩賢人繼為大儒然

猶不免如之何其拒人也俞扁之門不拒病夫扁婢典切

俞附扁鵲古之良醫繩墨之側不拒枉林師儒之席不拒曲士

理固然也且陽公之在予朝四方聞風仰而尊之貪

冒苟進邪薄之夫庶得少沮其志不遂其惡雖微師

尹之位而人實其瞻焉與其宣風一方覃化覃化一州其

功之遠迤又可量哉諸生之言非獨為已也於國體

實甚宜願諸生勿得私之想復再上故少佐筆端耳

勗此良志俾為史者有以紀述也努力多賀努力古切勉也

柳宗元白

答韋中立論師道書

二十一日宗元白辱書云欲相師僕道不篤業甚淺

近環顧其中未見可師者雖嘗好言論為文章甚不自是也不意吾子自京師來蠻夷間乃幸見取僕自卜固無取假令有取亦不敢為人師為衆人師且不敢况敢為吾子師乎孟子稱人之患在好為人師由魏晉氏以下人益不事師今之世不聞有師有師輒譁笑之以為狂人獨韓愈奮不顧流俗犯笑侮收召後學作師說因抗顏而為師世果群怪聚罵指目牽引而憎與為言辭愈以是得狂名居長安炊不暇熟又挈挈而東如是者數矣屈子賦曰邑犬羣吠吠所怪也僕往聞庸蜀之南恒雨少日日出則犬吠余以為

過言前六七年僕來南二年冬幸大雪踰嶺被南越中數州數州之犬皆蒼黃吠噬狂走者累日至無雪乃已然後始信前所聞者今韓愈既自以為蜀之日而吾子又欲使吾為越之雪不以病乎非獨見病亦以病吾子然雪與日豈有過哉顧吠者犬耳度今天下不吠者幾人而誰敢銜怪於羣身以召鬧取怒乎僕自謫過以來益少志慮居南中九年增脚氣病漸不喜鬧豈可使嗷嗷者交切早暮拂吾耳騷吾心則固僵仆煩憤僵音姜什富起旬愈不可過矣平居望外遭齒舌不少獨欠為人師耳抑又聞之古者重冠

禮將以責成人之道是聖人所尤用心者也數百年  
 來人不復行近有孫昌胤者獨發憤行之既成禮明  
 日造朝至外廷薦笏言於卿士曰某子冠畢應之者  
 咸憮然憮音武改容也京兆尹鄭叔則佛然曳笏却立曰何  
 預我耶廷中皆大笑天下不以非鄭尹而快孫子何  
 哉獨為所不為也今之命師者大類此吾子行厚而  
 辭深凡所作皆恢恢然有古人形貌雖僕敢為師亦  
 何所增加也假而以僕年先吾子聞道著書之日不  
 後誠欲往來言所聞則僕固願悉陳中所得者吾子  
 苟自擇之取其事去其事則可矣若定是非以教吾

子僕材不足而又畏前所陳者其為不敢也決矣吾  
 子前所欲見吾文既悉以陳之非以耀明于子聊欲  
 以觀子氣色誠好惡何如也今書來言者皆大過吾  
 子誠非佞譽誣諛之徒直見愛甚故然耳始吾幼且  
 少為文章以辭為工及長乃知文者以明道是固不  
 苟為炳炳烺烺一作燁烺音朗燁烺火明貌務采色夸聲音而以  
 為能也凡吾所陳皆自謂近道而不知道之果近乎  
 遠乎吾子好道而可吾文或者其於道不遠矣故吾  
 每為文章未嘗敢以輕心掉之掉徒切懼其剽而不留  
 也剽匹切未嘗敢以怠心易之懼其弛而不嚴也未嘗

敢以昏氣出之懼其昧沒而雜也未嘗敢以矜氣作  
之懼其偃蹇而驕也抑之欲其與揚之欲其明疎之  
欲其通廉之欲其節激而發之欲其清固而存之欲  
其重此吾所以羽翼夫道也本之書以求其質本之  
詩以求其恒本之禮以求其宜本之春秋以求其斷  
本之易以求其動此吾所以取道之原也參之穀梁  
氏以厲其氣參之孟荀以暢其支參之莊老以肆其  
端參之國語以博其趣參之離騷以致其幽參之太  
史以著其繁此吾所以旁推交通而以爲之文也凡  
若此者果是耶非耶有取乎抑其無取乎吾子幸觀

馬擇焉有餘以告焉荀亟來以廣是道子不有得焉  
則我得矣又何以師云爾哉取其實而去其名無招  
越蜀吠怪而爲外廷所笑則幸矣宗元復白一無復字

答貢士元公瑾論仕進書

二十一日宗元白前時所枉文章諷讀累日辱致來  
簡受賜無量然竊觀足下所以殷勤其文旨者豈非  
深寡和之憤和胡卧切宋王云其曲彌高其和彌寡積無徒之歎懷不  
能已赴訴於僕乎如僕尙何爲者哉且士之求售於  
有司或以文進或以行達者稱之不患無成足下之  
文左馮翊崔公先唱之美秉筆之徒由是增敬足下



之行汝南周穎客又先唱之矣逢掖之列亦以加慕  
禮記本逢掖之本逢大也大袂禪衣也夫如是致隆隆之譽不久矣又  
何戚焉古之道上延乎下下倍乎上上下下洽通而薦  
能之功行焉故天子得宜為天子者薦之於天諸侯  
得宜為諸侯者薦之於王大夫得宜為大夫者薦之  
於君士得宜為士者薦之於有司薦於天堯舜是也  
薦於王周公之徒是也薦於君鮑叔牙子罕子皮是  
也薦於有司而專其美者則僕未之聞也是誠難矣  
古猶難之而况今乎獨不得與足下偕生中古之間  
進相援也退相拯也已乃出乎今世雖王林國韓長

孺復生

說苑衛靈公有士曰王林國有賢人必進而

韓安國字長孺所推舉皆廉士賢於已者

不能為足下抗手而進以取譽

笑矧僕之醒觀者哉

醒乙角切觀測角切小節也史記作握觀注急促之貌前漢作

握觀注局陘也

若將致僕於奔走先後之地而役使之

後胡豆切

則勉充雅素不敢告憊蕭拜嗚呼始僕之志學

也甚自尊大頗慕古之大有為者汨沒至今自視缺

然知其不盈素望久矣上之不能交誠明達德行延

孔子之光燭于後來次之未能勵材能興功力致大

康于民垂不滅之聲退乃俛俛於下列

俛音悛又丑良切無見貌

咕咕於末位

咕他協日涉二切

偃仰驕矜道人短長不亦冒

先聖之誅乎固吾不得已耳樹勢使然也穀梁子曰  
心志既通而名譽不聞友之過也出穀梁傳昭公九年蓋舉知  
揚善聖人不非况足下有文行唱之者有其人矣繼  
其聲者吾敢闕焉其餘去就之說則足下觀時而已  
不悉宗元白

答嚴厚輿論師道書

二十五日某白馮翊嚴生足下得生書言為師之說  
怪僕所作師友箴與答韋中立書欲變僕不為師之  
志而屈已為弟子凡僕所為一文中其卒果不異僕之  
所避者名也所憂者其實也實不可一日忘僕聊歌

以為箴行且求中以益已慄慄不敢暇又不敢自謂  
有可師乎人者取若乃名者方為薄世笑罵僕脆怯  
尤不足當也內不足為外不足當眾口雖懇懇見迫  
其若吾子何實之要一文中皆是也吾子其詳讀之  
僕見解不出此吾子所云仲尼之說豈易耶仲尼可  
學不可為也學之至斯則仲尼矣未至而欲行仲尼  
之事若宋襄公好霸而敗國卒中矢而死事出左傳僖公二十  
年仲尼豈易言耶馬融鄭玄者一子獨章句師取今  
世固不少董句師僕幸非其人吾子欲之其有樂而  
望吾子者矣言道講古窮文辭以為師則固吾屬事

僕才能勇敢不如韓退之故又不為人師人之所見  
 有同異吾子無以韓責我若曰僕拒千百人又非也  
 僕之所拒拒為師弟子名而不取當其禮者也若言  
 道講古窮文辭有來問我者吾豈嘗瞋目閉口邪瞋目稱  
人切怒敬叔吾所信愛敬叔今不得見其人又不  
 敢廢其言本無不字却吾子文甚暢遠恢恢乎其  
 闢大略將疾馳也攻其車肥其馬長其筴即策調其  
 六轡道之行大都捨是又奚師歟亟謀於知道者  
 而考諸古師不乏矣幸而亟來亟去終日與吾子言  
 不敢倦不敢愛不敢肆苟去其名全其實以其餘易

其不足亦可交以為師矣如此無世俗累而有益乎  
 已古今未有好道而避是者宗元白

報袁君陳秀才避師名書

秀才足下僕避師名久矣往在京師後學之士到僕  
 門日或數十人僕不敢虛其來意有長必出之有不  
 至必基之基渠記切教也其教也雖若是當時無師弟子之  
 說其所不樂為者非以師為非弟子為罪也有兩事  
 故不能自視以為不足為一也世久無師弟子決為  
 之且見非且見罪懼而不為二也其大說具答韋中  
 立書今以往可觀之秀才貌甚堅辭甚強僕自始觀

固奇秀才及見兩文愈益奇雖在京都日數十人到門者誰出秀才右耶前已必秀才可為成人必一僕之心固虛矣又何鯤鵬互鄉於尺牘哉有辱字秋風益高暑氣益衰可偶居卒談秀才時見咨僕有諸內者不敢愛惜大都文以行為本在先誠其中其外者當先讀六經次論語孟軻書皆經言左氏國語莊周屈原之辭稍采取之穀梁子太史公甚峻潔可以出入餘書僕文成異日討也其歸在不出孔子此其古人賢士所標懍者求孔子之道不於異書秀才志於道真勿怪勿雜勿務速顯道苟成則勃然爾勃一久作慤

則蔚然爾

蔚音尉又紆勿切

源而流者歲旱不涸者穀者不

病凶年蓄珠王者不虞殍死矣然則成而久者其術可見雖孔子在為秀才計未必過此不具宗元白

答韋珩示韓愈相推以文墨事書

珩音行

足下所封示退之書云欲推避僕以文墨事且以勵足下若退之之才過僕數人尚不宜推避於僕非其實可知一無可固相假借為之詞取退之所敬者司馬遷楊雄遷於退之固相上下若雄者如太玄法言及四愁賦楊雄以為詞莫麗於相如作四賦謂其退衆河東羽獵長楊賦後人妄加愁字也退之獨未作取決作之加恢奇至他文過楊雄遠甚雄

文遺言措意

文一字

一作

頗短局滯澁不若退之猖狂恣

睢肆意有所作

睢肆一本作肆寓恣七各切又若然

者使雅來尚不宜推避而况僕耶彼好獎人善以為

不屈已善不可獎故慊慊云爾也一字足下幸勿信

之且足下志氣高好讀南北史書通國朝事穿尤古

今後來無能和胡卧切一本作加字而僕雅騃卒無所為但起

起文墨筆視淺事今退之不以吾子勵僕而反以僕

勵吾子愈非所宜然卒篇欲足下自挫抑合當世事

以固當雖僕亦知無出此吾子年甚少知己者如麻

不患不顯患道不立耳此僕以自勵亦以佐退之勵

足下不宜宗元頓首再拜

答貢士廖有方論文書

三白宗元白得秀才書知欲僕為序然吾為文非苟

然易也於秀才則吾不敢愛吾在京都時好以文寵

後輩由吾文知名者亦為不少焉自遭斥逐禁錮益

為輕薄小兒譁囂群朋增飾無狀當途人率謂僕垢

污重厚舉將去而遠之今不自料而序秀才秀才無

乃未得嚮時之益而受後事之累去聲吾是以懼潔然

盛服而與負塗者處而又何賴焉然觀秀才勤懇意

甚久遠不為頃刻私利欲以就文雅則吾曷敢以讓

當為秀才言之然而無顯出於今之世視不為流俗  
所扇動者乃以示之既無以累秀才亦不增僕之詬  
罵也計無宜於此若果能是則吾之荒言出矣宗元  
白

答貢士蕭纂求為師書

求為一本作欲相字

十二日宗元白始者負戴經籍退跡草廬塊守蒙陋  
坐自擁塞不意足下曲見記憶遠辱書訊既以高文  
開其知思並去聲而又超僕以宗師之位貸僕以丘山  
之號流汗伏地不知迷匿幸過厚也前時獲足下灌  
鐘城銘竊用唱道於聞人僕常赧然羞其僭踰今覽

足下尺牘殷勤備厚似欲僕贊譽者此固所願也謹  
視所賦曠然以喜是何旨趣之博大詞采之蔚然乎  
鼓行於秀造之列此其戈矛矣舉以見授為賜甚大  
俯用計度不自謂宜顧視何德而克堪哉且又教以  
耘其蕪穠甚非所宜僕不敢聞也其他唯命宗元白

報崔黯秀才書

一本點作翦

崔生足下辱書及文章辭意良高所嚮慕不凡近誠  
有意乎聖人之言然聖人之言期以明道學者務求  
諸道而遺其辭辭之傳於世者必由於書道假辭而  
明辭假書而傳要之之道而已耳道之及及乎物而

已耳斯取道之內者也今世因貴辭而矜書粉澤以  
為工適密以為能不亦外乎吾子之所言道匪辭而  
書其所望於僕亦匪離而書是不亦去及物之道愈  
以遠乎僕嘗學聖人之道身雖窮志求之不已庶幾  
可以語於古恨與吾子不同州部閉口無所發明觀  
吾子文章自秀士可通聖人之說今吾子求於道也  
外而望於子也愈外是其可惜歟吾且不言是負吾  
子數千里不棄朽廢者之意故復云爾也凡人好辭  
工書者皆病癖也癖音僻腹病也吾不幸蚤得病學道以  
求日思研鍼攻熨熨音慰諸深切與針同熨紆勿切火熨也

卒不能去纏結心腑牢甚願斯須忘之而不棄竊嘗  
自毒今吾子乃始欽欽思易吾病不亦感乎斯固有  
潛塊積瘕中子之內藏瘕音退女病也中恹而不悟  
可憐哉其卒與我何異均之二病書字益下而子之  
意又益下則子之病又益篤甚矣子癖於伎也吾嘗  
見病心腹人有思嚼土炭嚼徒濫切與噉同嗜酸鹹者不得  
則大戚其親愛之者不忍其戚因探而與之觀吾子  
之意亦已戚矣吾雖未得親愛吾子然亦重來意之  
勤有不忍矣誠欲分吾土炭酸鹹吾不敢愛但遠言  
其證不可也俟面乃悉陳吾狀未相見且試求良醫

為方已之苟能已大善則及物之道專而易通若積  
結既定醫無所能已幸期相見時吾決分子其啗嗜  
者不具宗元白

答吳秀才謝示新文書

某白向得秀才書及文章類前時所屬遠甚多賀多  
賀秀才志為文章又在族父處族父想謂吳武陵或曰子厚自謂其族父  
柳公綽耳蚤夜孜孜何畏不日自新又日新也雖間不奉  
對苟文益日新則若亟見矣夫觀文章宜若懸衡然  
增之銖兩則俯反是則仰無可私者秀才誠欲令吾  
靡乎則莫若增重其文今觀秀才所增益者不啻銖

兩吾固伏膺而俯矣愈重則吾俯茲甚秀才其慙焉  
苟增而不已則吾首懼至地耳又何聞踈之患乎還  
答不悉宗元白

復杜温夫書

二十五日宗元白兩月來三辱生書書皆逾于言意  
者相望僕以不對答引譽者然僕誠過也而生與吾  
文又十卷噫亦多矣文多而書煩吾不對答而引譽  
宜可自反而來徵不肯相見一本肯亟拜亟問其得  
終無辭乎凡生十卷之文吾已略觀之矣吾性騃滯  
多所去甚論安敢懸斷是且非耶書極吾必曰周孔



拒與抵同一  
疊周孔字

安可當也儼人必於其倫生以直躬見

擢宜無所諛道道字無而不幸乃曰周孔吾豈得無駭

怪且疑生悖亂浮誕無所取幅尺以故愈不對答來

柳州見一刺史即周孔之今而去我道連而謁於潮

之二邦又得二周孔去之京師京師顯人為文詞立

聲名以千數又宜得周孔千百何吾生曾中擾擾焉

多周孔哉吾雖少為文不能自雕斲引筆行墨快意

累累倫追切意盡便止亦何所師法立言狀物未嘗求

過人亦不能明辨生之才致但見生用助字不當律

令唯以此奉答所謂乎歟耶哉夫者疑辭也矣耳焉

也者決辭也今生則一之宜考前聞人所使用與吾

言類且異慎思之則一益也康桑子言蠶蠅鵠卵者

吾取焉蠶音蜀豆藿中大青蟲也鵠胡沃切莊子道

連而謁於潮其卒可化乎然世之來知音者一遇其

人或為十數文即務往京師急日月犯風雨走謁門

戶以冀苟得今生年非甚少而自剗來柳自柳將道

連而謁於潮途遠而深矣則其志果有意乎又狀貌

疑然類丈夫疑魚力切視端形直心無岐徑其質氣誠可

也獨要謹充之爾謹充之則非吾獨能生勿怨字下

有且亟之一邦以取法特思吾言非固拒生者孟子

日余不屑之教誨也者是亦教誨而已矣宗元白

上門下李夷簡相公書

再拜

日月使持節柳州諸軍事守柳州刺史柳宗元謹獻

書于相公閣下謹字下一本宗元聞有行三塗之艱

而墜千仞之下者左傳昭公四年注三塗在河南陸渾縣南仰望於道號

以求出過之者日千百人皆去而不顧就令哀而顧

之者不過攀木俯首深贖大息贖頻賔良久而去取

其卒無可奈何然其人猶望而不止也俄而有若鳥

獲者持長縶千尋縶古杏切徐而過焉其力足為也

其器足施也號之而不顧顧而曰不能力則其人知

必死於大壑矣何也是時不可遇而幸遇焉而又不

遠乎已然後知命之窮勢之極其卒呼憤自斃不復

望於上矣宗元曩者齒少心銳徑行高步不知道之

艱以陷乎大阨窮蹟殞墜廢為孤囚日號而望者十

四年矣其不顧而去與顧而深贖者俱不乏焉然猶

仰首伸吭張目而視吭抗剛也曰庶幾乎其有異俗

之心非常之力當路而垂仁者耶今閣下以仁義正

直入居相位宗元竊拊心自慶以為獲其所望故

敢致其詞以聲其哀若又捨而不顧則知沉埋陪斃

無復振矣伏惟動心焉宗元得罪之由致謗之由以

閣下之明其知之久矣繁言蔓詞祗益為黷伏惟念  
降者之至窮錫焉獲之餘力舒千尋之綆垂千仞之  
艱致其不可遇之遇以卒成其幸庶號而望者得畢  
其誠無使呼憤自斃沒有餘恨則士之死於門下者  
宜無先焉生之通塞決在此舉無任戰汗隕越之至  
不宣宗元惶恐再拜

唐柳先生集卷之三十四

唐柳先生集卷之三十五

啓

上廣州趙宗儒尚書啓

一本啓上更有陳情字

某啓某天罰深重餘息苟存元和元年子厚母盧氏卒于永州沉竄

竢罪朝不圖夕伏謁無路不任荒戀之誠伏念宗元

初授御史之日尚書與杜司空杜黃裳先賜臨顧光耀

里間下情至今尚增惶惕頃以黨與進退投竄零陵

囚繫所迫不得歸奉松檟哀荒窮毒人理所極親故

遺忘望况於他人朝夕之急饘粥難繼饘諸延切宗亦作餐宗

祀所重不敢死亡偷視累息已逾數月伏以尚書德

量弘納義風遠揚收撫之恩始於枯朽敢以餘喘上  
累深仁伏惟惻然見哀使得存濟悽悽荒懇悽音婁  
恭謹貌  
一日叩顙南望竊以動心於無情之地施惠於不報  
之人古烈尚難况在今日而率然干冒決不自疑者  
蓋以聞風之日久嚮德之誠至振高義於流俗之外  
舍大度於古人之中獨有望於閣下而已非敢以尋  
常祈向之禮當大賢匍匐之仁匍音扶又音蒲匍音  
伏又蒲墨切詩云凡  
民有喪匍  
匐救之夙夜忖度果於自卜方在困辱不敢多言  
伏紙惶恐不勝戰越謹啓

上西川武元衡相公謝撫問啓

某啓某愚陋狂簡不知周防失於夷途陷在大罪伏  
匿嶺下于今七年追念徃愆寒心飛魄幸蒙在宥得  
自循省豈敢徹聞於廊廟之上見志於樽俎之際以  
求必於萬一者哉相公以含弘光大之德廣博淵泉  
之量不遺垢汚先賜榮示奉讀流涕以懼以悲屏營  
舞躍不敢寧處屏步丁切屏  
營恐懼貌是將收孟明於三敗左  
傳  
秦孟明伐鄭晉敗孟明於殽及二三年孟明伐晉晉  
敗于彭衙次年孟明伐晉濟河焚舟晉師不出責  
曹沫於一舉沫莫佩切史記曹沫為魯將與齊戰三  
敗北莊公十三年與齊桓公盟于柯沫  
執匕首劫桓公公乃  
許盡歸魯之侵地俾折脅臏脚之倫臏音牝刑名  
前漢鄒陽上  
書司馬喜臏脚於宋卒相中山  
范雎拉脇折齒於魏卒為應侯得自拂飾以期效命

於鞭策之下此誠大君子并容廣覽棄瑕錄用之道也自顧孱鈍無以克堪祇受大賜豈任負戴精誠之至炯然如日拜伏無路不勝惶惕輕冒威重戰汗交深

謝襄陽李夷簡尚書撫問啓

某啓當州負外司馬李幼清傳示尚書委曲特賜記憶過蒙存問捧讀喜懼浪然涕流浪音郎慶幸之深出自望外伏惟尚書鸚立朝端風行天下入統邦憲出分三憂控此上游式是南服凡海內奔走之士思欲修容於轅門之外躡履於油幢之前幢傳江切譬之涉蓬

瀛登崑閩

閩音浪海中三神山曰蓬萊方丈瀛州又崑崙山有三角一角正北名閩風巔一角正西北名玄圃堂一角正東名崑崙宮不可得而進也其負罪淪伏聲

銷跡滅固世俗之所棄親友之所遺敢希大賢曲見存念是以展轉欷歔晝詠宵興願為廝役以報恩遇瞻仰霄漢邈焉無由網羅未解縱羽翼而何施囊檻方堅雖虎豹其馬往不任踊躍懇戀之至謹奉啓起居輕黷威嚴倍增戰越

賀趙江陵宗儒辟符載啓

某啓伏聞以武都符載為記室天下立志之士雜然相顧繼以歎息知為善者得其歸嚮流言者有所聞

執左傳願以問執直道之所行義風之所揚堂堂焉

實在荆山之南矣幸甚幸甚夫以符君之藝術志氣

為時聞人才位未會盤桓固久中間因緣陷在危邦

與時偃仰不廢其道符載為韋臯支使時為劉闢真

良觀麟閣之中及關敗載素服請罪高崇而為見忌

嫉者橫致唇吻房給事以高節特立明之於朝王東

部以清議自任辨之於外然猶小人浮議困在交戟

前漢劉向傳註凡諸侯之欲得符君者城聯壤接而

惑於騰沸環視相讓莫敢先舉及受署之日則皆開

口垂臂悵望悼悔譬之求珠於海而徑寸先得則衆

皆快然罷去知奇寶之有所歸也嗚呼巧言難明下

流多謗一作自非大君子出世之氣則何望焉瞻望

清風若在天外無任感激欣躍之至輕賈陳賀不勝

戰越不宣

與邕州李域中丞論陸卓啓

某啓伏以至公之道施恩而不求報獎善而不為功

所以振宣幽光激勵頽俗誠大君子所蓄積也竊見

故招討判官試右衛曹參軍陸卓生稟清操長於

吏理累仕所至必有休聲至一作錄再舉府曹績用

茂著頃以狂賊李元慶劫取留後擅樹兇徒搆災扇

禍期在旦夕一夫見刃莫為已用而卓以此時特立  
不懼終翦強暴以寧師人既而不幸嬰疾物故不獲  
一日趨事以受其職有功未報有善未錄伏承閣下  
言論之餘每所嗟異優給家屬恩禮特殊行道之人  
皆所欽伏儻錄其事跡奏一贈官使懷憤之魂知感  
恩於地下秉志之士思受命於門庭足以勸獎三軍  
豈止光榮一族伏惟不棄狂瞽特賜裁量幸甚幸甚  
某與卓未嘗相識敢率愚直以期至公輕贖威嚴伏  
增戰悚謹啓

謝李中丞安撫崔簡戚屬啓

某啓伏見四月六日敕刺史崔簡以前任賊罪決二  
百長流驪州伏奉去月二十三日牒崔簡家口牒州  
安存并借官宅什器差人與驅使伏惟中丞以直清  
去敗政以惻隱撫窮人罪跡暴著則按之以至公家  
屬流離則施之以大惠各由其道咸適于中威懷並  
行仁義齊立繩愆糾繆列郡肅澄清之風匡困資無  
闔境知噢咻之德嘆乞六切又夾遇切咻音休又許  
王切左氏作煥休注痛念之聲  
凡在巡屬慶懼交深伏見崔簡兒女十人皆柳氏之  
出簡之所犯首末知之蓋以風毒所加漸成狂易音  
不知畏法坐自抵刑名爲賊賄卒無儲蓄得罪之日

百口熬然叫號羸頓不知所赴儻非至仁厚德深加  
憫恤則流散轉死期在須臾其幸被縲囚久沐恩造  
至於骨肉文荷哀矜循念始終感懼無地謹勤祗承  
人沈瘖奉啓陳謝下情輕瀆

上湖南李中丞啓

一本啓字上有于廩食字

其啓其嘗讀列子書有言於鄭子陽者曰列禦寇蓋  
有道之士也居君之地而窮君不好士使之然乎子  
陽於是君命輸粟於列子列子不受出列子  
說符篇固常  
高其志又讀孟子書言諸侯之於士曰使之窮於吾  
地則賜之賜之亦可受也又怪孟子以希聖之才命

代而出不卓然自異以潔白其德取食於諸侯不以  
爲非斷而言之則列子獨任之士唯已一毛之爲憂  
故遁以自免孟子兼濟之士唯利萬物之爲謀故當  
而不辭今宗先處則無列子之道出則無孟子之謀  
窮則去讓而自求至則捧受而無慙斯固爲貪凌苟  
冒人矣董生曰明明求財利唯恐困乏者庶人之事  
也董仲舒  
策云是皆詬耻之大者而無所避之何也以爲  
士則黜辱爲農則斥遠無伎不可以爲工無質不可  
以爲商抱大罪處窮徼音以當惡歲而無廩食又不  
自列於閭下則非所以待君子之意也伏惟覽子陽



孟子之說以垂德惠無使惶惶然控于他邦重為董生所笑則縲囚之幸大矣

上桂州李中丞薦盧遵啓

凡士之當顯寵貴劇則其受賜於人也無德心焉何也彼將曰吾勢能得之是其所出者大而其報也必細居窮厄困辱則感樂捧戴萬萬有加焉是其所出者小而其報也必巨審矣故凡明智之君子務其巨以遺其細則功業光乎當時聲名流乎無窮其所以激之於中者異也若宗元者可謂窮厄困辱者矣世皆背去顛顛曠野獨賴大君子以明智垂仁問訊如

平生光耀囚錮若被文繡嗚呼世之知止足者鮮矣既受厚遇則又有不已之求以黷閣下之嚴威然而亦欲出其感樂捧戴而效其巨者伏惟閣下留意裁擇幸甚幸甚伏以外族積德儒厚以為家風周齊之間兄弟三人咸為帝者師詳見前送盧遵序孝仁之譽高於他門伯舅叔仲咸以孝德通于鬼神為文士所紀述相國彭城公嘗號于天下名其孝以求其類則其後咸宜碩大光寵以充神明之心今乃彫喪淪落莫有達者豈與善之道無可取耶老子云天道無親常與善人獨內弟盧遵其行類諸父靜專溫雅好禮而信飾以文墨達

于政事今所以聞於閣下者無忤於心無愧於色焉  
以宗元棄逐枯槁故不求遠仕務顯名而又難乎其  
進也竊高閣下之舉賢容眾故願委心焉則施澤於  
遠過於厚賜小人也遠矣以今日之形勢而不廢其  
言使遠也有籍名於天官獲祿食以奉養用成其志  
一舉而有知恩之士二焉可不謂務其巨者乎伏惟  
試詳擇焉言而無實罪其敢逃一罪字下有也字進  
逃字下有謹字  
退恐懼不知所裁不宣謹啓

唐柳先生集卷之三十五

唐柳先生集卷之三十六

啓

上權德輿補闕温卷啓

時年十八一本啓字  
上有决進退字

補闕執事宗元聞之重遠輕邇賤視貴聽所由古矣  
切以宗元幼不知耻少又躁進拜揖長者自于幼年  
是以造俊造之末跡筵初  
放切廁牒計之下列賈藝求售  
賈音  
古聞無善價賈音  
覓二切載文筆而都儒林者匪親  
乃舊率皆携撫相示談笑見昵啜啜逡巡為達者啜  
啜一音切啜於低切  
遂七倫切啜音蚩無乃覩其樸者鄙其成狎其幼  
者薄其長耶將行不拔異操不砥礪學不該廣文不

柳文

三十五卷

七

炳燿實可鄙而薄耶今鴛鴦充朝而獨干執事者特以顧下念舊收接儒素異乎他人耳敢問厥由庶幾告之俾識去就幸甚幸甚今將慷慨激昂奮攘布衣縱談作者之筵曳裾名卿之門抵掌我并厚自潤澤進越無惡汗達者之視聽狂狷愚妄固不可為也復欲俛默惕息疊足踟翼拜祈公侯之閭跪邀賢達之車竦魂慄股兢恪危懼榮者倦之彌忿厥心又不可為也若慎守其常確執厥中固其所矣則又色平氣柔言訥性魯無特達之節無推擇之行瑣瑣碌碌一孺子耳孰謂其可進孰謂其可退抑又聞之不鼓踴

無以超泥塗不由促無以由險艱不守常無以處明分不執中無以趨夷軌今則鼓踴乎曲促乎守其常而執厥中乎浩不知其宜矣進退無倚宵不遑寐乃訪于故人而咨度之其人曰補闕權君著名踰紀行為人高言為人信力學拔文按以時儕稱雄一作聞子亟拜之足以發揚對曰裏燕石而履玄圃宋人得燕石以為寶帶魚目而周容觀之笑曰此燕石也與瓦甃不殊又抵取崑崙山有玄圃晉書云若玄圃之積玉誦耳曷文選盧諶詩序夜光投於魚目予補乎其人曰跡之勤者情必生焉心之恭者禮必報焉况子之文不甚鄙薄者乎苟或勤以奉之恭以

下之則必勗勵爾行輝耀爾能言為建瓴建音零出前

高祖晨發夕被聲馳而響溢風振而草靡可使尺澤

之鯢研多矣奮鱗而縱海密網之鳥舉羽而翔霄子之

一名何足就矣庶為終身之遇乎曷不舉馳聲之資

挈成名之基授之權君然後退行守常執中之道斯

可也愚不敏以為信然是以有前日之拜又以為色

取象恭大賢所飫朝造夕謁大賢所倦性頗踈野竊

又不能是以有今茲之問仰惟覽其鄙心而去就之

潔誠齋慮不勝至願謹再拜

上天理崔大卿應制舉啓

一本啓字上有不敏字

古之知己者不待來求而後施德舉能而已其受德

者不待成身而後拜賜感知而已故不叩而響不介

而合則其舉必至而其感亦甚斯道遁去遼闊千祀

何為乎今之世哉若宗元者智不能經大務斷大事

非有恢傑之才學不能探奧義窮章句為腐爛之儒

雖或實力於文學勤勤懇懇于歲時然而未能極聖

人之規矩恢恢作者之聞見勞費翰墨徒爾拖逢掖曳

大帶游於朋齒且有愧色豈有能乎哉閣下何見待

之厚也始者自謂抱無用之文戴不肖之容雖振身

泥塵仰晞雲霄何由而能哉遂用收視內顧頓首絕

望類與其以沒沒也今者果不自意他日瑣瑣之著  
述幸得流於衽席接在視聽閣下乃謂可以蹈遠大  
之途及制作之門決然而不疑介然而獨德是何收  
採之特達而顧念之勤備乎且閣下知其爲人何如  
哉其貌之美陋質之細大心之賢不肖閣下固未知  
也而一遇文字志在濟拔斯蓋古之知己者已故曰  
古之知己者不待來求而後施德者也然則亟來而  
求者誠下科也宗先何以應博學宏詞之舉會閣下  
辱臨考第司其升降當此之時意謂運合事并適丁  
厥時其私心日以自負也無何閣下以鯢鱗之勢不

容尺澤悠爾而自放廓然而高邁其不我知者遂排  
逐而委之委之誠當也使古之知己猶在豈若是求  
多乎哉夫仕進之路昔者竊聞于師矣太上有專達  
之能乘時得君不由乎表著之列而取將相行其政  
焉其次有文行之美積能累榮不由乎舉甲乙歷科  
第登乎表著之列顯其名焉又其次則曰吾未嘗舉  
甲乙也未嘗歷科第也彼朝廷之位吾何修而可以  
登之乎必求舉是科也然後得而登之其下不能知  
其利又不能務其往則曰舉天下而好之吾何爲獨  
不然由是觀之有愛錐刀者以舉是科爲悅者也有

爭尋常者以登乎朝廷為悅者也有慕權貴之位者以將相為悅者也有樂行其政者以理天下為悅者也然則舉甲之歷科第固為末而已矣得之不加榮喪之不加憂苟成其名於遠大者何補焉然而至於感知之道則細大一矣成敗亦一矣故曰其受德者不待成身而後拜賜然則幸成其身者固末節也蓋不知來求之下者不足以收特達之士而不知成身之末者不足以承賢達之遇審矣伏以閣下德足以儀世才足以輔聖文足以當宗師之位學足以冠儒術之首誠為賢達之表也顧視下輩豈容易而收哉

而宗元樸野昧劣進不知退不可以言乎德不能植志於義而必以文字求達不可以言乎才秉翰執簡敗北而歸不可以言乎文登壇應對刺繆經旨刺力葛切乖不可以言乎學固非特達之器也付省陋質豈容易而承之哉叨冒太遇穢累高墜喜懼交爭不克寧居竊感荀瑩如實出已之德瑩音甕左傳成公二年有荆靈褚中以出既謀之未行而楚人歸之賈人如晉荀瑩善視之如實出已敢希豫讓國士遇我之報伏候門屏敢俟招納謹奉啓以代投刺之禮伏惟以知已之道終撫薦焉不宣宗元謹啓

上裴晉公度獻唐雅詩啓

宗元啓伏以周漢二宣中興之業歌於大雅載在史

官然而申甫作輔方召專淮夷之功申伯甫侯方叔召虎魏邴

謀纂辛趙致罕魏相丙吉辛武賢趙充國罕許早切字當作罕開口堅切

克合謀叶一德以致太平入有申甫魏邴之勤出兼

方召辛趙之事東取淮右平吳元濟也北服恒陽恒陽恒州也謂

成德節度使王承宗獻德棣二州遣子入侍略不代出功無與讓故天下

文士皆願秉筆牘勤思慮以贊述洪烈闡揚大勳宗

元雖敗辱斥逐守在蠻裔猶欲振發枯槁決疏潢汙

罄效蚩鄙少佐毫髮謹撰平淮夷雅二篇恐懼不敢

啓

進獻私願徹聲聞于下執事庶宥罪戾以明其心出

位僦言惶戰交積無任踴躍屏營之至不宣宗元謹

啓

上襄陽李僕射懇獻唐雅詩啓

宗元啓昔周宣中興得賢臣召虎師出江漢以平淮

夷故其詩曰江漢之滸王命召虎滸音虎召與邴同其卒章

曰于周受命自召祖命以明虎者召公之孫克承其

先也今天子中興而得閣下亦出江漢以平淮夷克

承于先西平王李晟封西平王愬之父也其事正類然而未有嗣

大雅之說以布天下以施後代豈聖唐之文雅獨後

於周室哉宗元身雖陷敗而其論著往往不為世屈  
意者殆不可自薄自匿以墜斯時苟有輔萬分之一  
雖死無憾謹撰平淮夷雅二篇齋沐上獻誠醜言淫  
聲不足以當金石庶繼代洪烈稗官里人得採而歌  
之稗蒲獬切前漢志小說家者流蓋出於稗官注細  
米為稗街談巷說其細碎之言也王者欲知閭巷  
風俗故立稗官使稱說之又國語云為里人所命次注里宰也不勝憤踊之至輕瀆  
威重戰越交深謹啓

上揚州李吉甫相公獻所著文啓

宗元啓始閣下為尚書郎薦寵下輩士之顯於門閥  
者以千數而某尚幼不得與於斯役及閣下遭讒妬

在外十餘年又不得效薄伎於前以希一字之褒貶

公道之行也閣下乃始為贊書訓辭擅文雅於朝以

宗天下永貞元年李吉甫為考功郎中知制誥十二月為中書舍人翰林學士而某又

以此時去表著之位受放逐之罰荐仍囚錮視日請

命進退違背思欲一日伏在門下而不可得常恐抱

斯志以沒卒無以知於門下冥冥長懷魂魄幽憤故

敢及其能言貢書編文冒昧嚴威以畢其志伏惟觀

覽焉幸甚幸甚閣下相天子致太平用之郊報則天

神降地祇出用之經邦則百貨殖萬物成用之文教

則經術興行用之武事則暴亂翦滅依倚而具榮者



盡去幽隱而懷道者畢出然後中分主憂以臨東諸  
 侯而天下無患元和三年九月李吉甫罷為淮南節度使盛德大業光明  
 如此而又有周公接下之道斯宗元所以廢錮瀕死  
 而猶欲致其志焉閣下儻以一言而揚舉之則畢命  
 荒裔固不恨矣謹以雜文十首上獻縲囚而于丞相  
 大罪也寧為有聞而死不為無聞而生去就乖野不  
 勝大懼謹啓

謝李吉甫相公示手札啓

宗元啓六月二十九日衡州刺史呂溫道過永州辱  
 示相公手札省錄狂瞽收撫羈縲沐以含弘之仁忘

其進越之罪感深益懼喜極增悲五情交戰不知所

措宗元質性庸塞行能無取著書每成於廢疾進德

且之其馨香常願操筆醫門操蒼刀切筆旋掬溜蘭

室良辰不與夙志多違昨者踴躍殘魂奮揚蓄念激

以死灰之氣陳其敝帚之詞詞本作辭同第正酉切

享之致之煙霄分絕流眄今則垂露在手清風入懷

華奈濫裛於赭衣赭音者前漢注龍門俯收於培井

培坎陷二音莊子藻鏡洞開而秋毫在照文津傍

暢而寒谷生輝化幽鬱之志若覲清明換兢危之心

如承撫薦非常之幸豈獨此生伏以淮海劇九天之

遙瀟湘參百越之俗傾心積念長懸星漢之上流形  
委骨永淪魑魅之群魑抽知切魅莫覲切韓文云何居蠻夷之地與魑魅為群  
以報恩唯當結草左傳魏無任喜懼感戀之至

上江陵趙相公寄所著文啓

趙宗儒

宗元啓宗元往者嘗侍坐於崔比部

崔鵬字元翰

聞其言

曰今之為文莫有居趙司勳右者

貞元年趙宗儒自翰林學士再遷司

勳員外郎

自是恒欲節其所論著薦之閣下病其未就將

進且退者殆十數焉幸以廢逐伏匿獲伸其業類於  
向者若有可觀然又以罪惡顯大甘死荒野不能出  
其固陋以求知於閣下則固昧昧徒生於世矣謹獻

雜文十首儻還以數字定其是非使得存於世則雖

生與蠻夷居魂與魑魅游所不辭也輕瀆威重伏增

惶灼

一本作戰惶

謹啓

上嚴東川寄劔門銘啓

嚴礪

宗元伏惟僕射以仁厚蓄生人以勇義平國難而劔

門用兵之事最為天下唱首取其險固為我要衝元和

元年礪以山南西道節度討劉闢拔劔州斬其刺史文昭德因分守險阻潰其腹心王師得以

由其門而入仿佯布濩

仿房旁二音佯音羊濩關故切布濩散也

遂無留

滯是閣下之勳力宜著於萬祀而不已也宗元負罪

俟命晷刻觀望道里深遠不得悉聞當時之威聲然

而竊以累受顧念踊躍盛德恐沒身炎瘴卒無以少  
報於閣下是以晝夜恟恟音上二音恐也不克自寧今身雖  
敗弃庶幾其文猶或傳於世又焉知非因閣下之功  
烈所以為不朽之一端也敢默然而已乎謹撰劔門  
銘一首惶恐獻上誠無以稱宏大之略亦足以發平  
生之心不勝慚懼戰越之至

上江陵嚴司空書所著文啓嚴綬

宗元啓伏念往歲司空由尚書郎出貳太原宗元獲  
於天長天長驛名專用候謁伏蒙叙以世舊許造門闡自  
後司空累膺寵榮位極公輔綬累遷尚書右僕射檢校司空宗元得

罪朝列竄身湘南霄漢益高泥塗永棄瞻仰遼絕陳  
露無由司空統臨舊荆控制南服道路非遠德化所  
覃是敢奮起幽淪仰希光耀伏惟憫憐孤賤特賜撫  
存則縲紲之辱有望蠲除鳴吠之能猶希效用謹獻  
雜文七首伏惟以一字定其褒貶終身之幸無以加  
焉輕瀆威嚴伏增戰越

上嶺南鄭相公所著文啓鄭綱

宗元啓伏見與當州韋使君書猥賜存問驚忤悼懼  
交動於中循念竟日若無容措幸甚幸甚宗元素乏  
智能復關周慎一自得罪八年於今兢愧弔影追咎

既往自以終身沉廢無跡自明不意相國垂愍特記  
名姓守空奧者突與謂幽隱之處忽仰晞於白日負泥塗者  
遂自濯於清源快心暢目不知所喻伏以聖人之道  
與其進也不保其往故敢藻飾文字洗滌心神致之  
門下祗俟嚴命伏惟收撫獎勵以成其終謹獻雜文  
二十六首冒昧上黷無任踴躍惶恐之至

上李中丞獻所著文啓

宗元啓宗元無異能獨好為文章始用此以進終用  
此以退今者畏罪悔怨伏匿惴慄猶未能去之時時  
舉首長吟哀歌舒泄幽鬱因取筆以書紉韋而編累

成數卷伏念閣下以文章升大僚統方隅而宗元幸  
緣罪辜得與編人齒於部內不以此時露其所為以  
希大君子顧視則為陋劣而自棄也敢飾近文及在  
京師官命所草者凡三卷合四十三首不敢繁故也  
儻或以為可采者當繕錄其餘以增几席之汚去就  
鄙野伏用兢惶謹啓

上裴行立中丞撰訾家洲記啓訾音即移切又音此宗

右伏奉處分令撰訾家洲亭記伏以境之殊尤者必  
待才之絕妙以極其詞今是亭之勝甲於天下而猥  
顧鄙陋使為之記伏受嚴命不敢固讓退自揣度惕

然汗流累奉游宴切觀物象涉旬模擬不得萬一竊  
伏詳情進退若墜久稽篆刻則有違慢之辜速課空  
薄文見疎蕪之累憊期廢事尤所戰慄憊與慄同謹修撰  
訖上獻退自跼踏音局不知所裁無任隕越惶恐之  
至

上河陽烏尚書重胤欲獻文啓

一本作上河陽烏尚書啓

宗允啓伏以尚書以碩德偉才代著勳烈兩河定亂

三城建功

烏重胤少爲路州牙將盧從史奉詔討王承宗陰與賊通元和五年重胤縛從史以

獻憲宗嘉重胤功擢帥河陽

河陽有三城故曰河陽三城節度使

鼎燹竹帛未足云

紀進臨汝上

元和九年以重胤爲汝州刺史充河陽淮汝節度使徙治汝州

控制東

方隱然長城朝野倚賴宗允雖屏奔遐壤而飽聞德  
聲所恨不獲親執鞭弭以備戎伍夙夜踴躍不克寧  
居伏以威稜所加狂狡已震謂吳元濟莫大之績重復增  
崇小子久以文字進身嘗好古人事業專當具筆札  
拂縑緗音兼贊揚大功垂之不朽瞻望霄漢戀慕交  
深冒瀆威嚴伏增戰越

禮部為百官上尊號表  
臣某言伏以聖王之纂承天位也臣子必竭懇誠獻  
尊號安敢為佞禮在其中一則以告天地神祇二則  
以奉宗廟社稷三則以安華夏蠻貊巍巍大稱其可  
廢乎臣等誠懼誠望頓首頓首伏惟皇帝陛下叶周  
文之孝德齊大禹之約身弘帝堯之法天過殷湯之  
解網未逾周月四海將至於時雍甫及元正率土更  
欣於再造然神人之願億兆之情有所不安率謂未

唐柳先生集卷之三十七

表

禮部為百官上尊號表

臣某言伏以聖王之纂承天位也臣子必竭懇誠獻  
尊號安敢為佞禮在其中一則以告天地神祇二則  
以奉宗廟社稷三則以安華夏蠻貊巍巍大稱其可  
廢乎臣等誠懼誠望頓首頓首伏惟皇帝陛下叶周  
文之孝德齊大禹之約身弘帝堯之法天過殷湯之  
解網未逾周月四海將至於時雍甫及元正率土更  
欣於再造然神人之願億兆之情有所不安率謂未

盡善者以為帝德廣運而尊號猶闕郊廟備禮而祝  
嘏無辭嘏古雅切凡百兢懷華夷屬望臣謹按昔臯陶之  
頌舜伊尹之頌湯皆臣子至公回揚君父以敷於當  
代以播於無窮夫豈飾哉率由事實帝王尊號蓋漸  
於此皇家光被四表祖宗列文時當太和尊號表德  
耳目所接簡牘斯存稽之於前典則如彼考之於聖  
朝又如此今龜筮習吉元正戒期當品物惟新之時  
乃皇王大禮之日陛下郊天地饗宗祧他周切 遠祖廟陰陽  
協和動植交暢不建至尊之稱恐違列聖之心所以  
臣等冒死陳聞請上徽號伏惟陛下小謙讓之節安

延企之情特詔名儒禮官百寮庶尹詳明故實議崇  
聖德則人望允厭神心獲安山川效靈光贊無疆之  
壽祝史陳言一作信字永彰不朽之功臣等蒙國寵榮備  
位班列無任懇望之至

第二表

臣某等言臣等再陳丹懇請獻鴻名天心未從隕越  
無措臣某誠惶誠恐頓首頓首謹按堯曰咨爾舜舜  
曰格爾禹湯曰吾自甚武自號曰武王出史記 商紀則堯  
舜禹湯皆當時王者之號也考皇帝之故實徵往聖  
之憲章允協禮經煥乎圖謀伏惟皇帝陛下允恭克

讓約已謙尊參天兩地之功為而不有安上理人之  
德置而不論至心王言非群下所仰望也然臣等伏  
以為尊號者所以類上帝饗祖宗萬人所稱百蠻所  
仰表聖德於率土播天聲於無疆臣下請之之謂禮  
帝王承之之謂孝孝大於讓禮先於謙百王不刊之  
典安可得而廢也臣等又以春秋本於五始元者一  
歲之首春者四時之首王者受命之首正月者政教  
之首郊天大禮者立極之首今天地交泰俯臨元辰  
正始之美正當其運陛下確違群願固守謙冲此臣  
等所以兢惕失圖惴惴無措上冒嚴憲敢逃厚責伏

乞俯垂天聽察納微誠詔禮官議臣所謂揆日推禮  
虔奉鴻休盡敬於此猶恐天光未照三獻無徵彷徨  
闕庭伏待斧鑕職日無任聳望之至

尊號昔者所無有蓋自唐高宗始稱天皇中宗  
稱應天至明皇遂有開元聖文神武之號自是  
以為法肅宗即位次年正月遂加冊號代宗即位  
次年七月群臣遂上尊號至憲宗立於永正  
元年八月禮部百官當復遵此議公是時尚為  
禮部員外郎故預作此表然公是年九月黜為  
邵州刺史繼貶永州司馬至元和三年憲宗方  
上尊號

### 禮部賀冊尊號表

元和十四年作宗元時為柳州刺史當題  
云柳州賀冊尊號表

臣某伏奉月日制陛下膺受尊號率土臣子慶抃無



窮臣聞立極之大四海無以報神功配天之尊萬物不能崇聖德唯有徽號是彰中興所以上探天心下極人欲中謝伏惟元和聖文神武法天應道皇帝陛下統承千載光被六幽蝨賊盡除福應皆集有首有趾咸識太平勳臣增爵祿之榮戎士加賞延之寵片善必錄微功盡昇獨惟聖慕事絕酬答萬國缺望缺古宄切又窺又窺百工怨思是以啓元和之盛典延昊穹之景祚睡切理歷凝命寔曰聖文和衆定功時惟神武運行有法天之用變化乃應道之方鬼神協謀夷夏同志大禮既建鴻恩遂行歡呼遠而於九圍而即匣字滲漉普周於

八裔

滲所禁切又所錦切鹿音鹿謂潤澤下究

慶超遂古美冠將來臣獲

守蠻荒遠承大典潢汚比陋河清幸遂於千年塵壤

切微山呼願同於萬歲無任慶賀屏營之至

屏步丁切

為京兆府請復尊號表三首

德宗時宗元為藍田尉作

臣某言某月日諸縣耆老某等若干人請臣陳狀辭意迫切以陛下尊號未復請詣闕上表者人心已鬱安可久違天意實勤諒難固拒撫狀感悅深契微誠臣某誠懇誠迫頓首頓首伏惟皇帝陛下聖神之功貫於天地文武之道超乎古今德宗建中元年群臣上尊號曰聖文神武皇帝興元元年詔中外書奏不得言聖文神武之號盛德愈大而謙光益深玄

化已成而徽號未復遂使神祇缺望人庶怨思沐浴  
鴻澤者敢懷畧刻之安捧戴皇恩者不知寢食之適  
負愧懷憤萬方一心日日以冀遂淹星歲况今地不  
愛寶致百穀之豐稔天惟降衷呈衆瑞而繁委汚萊  
瘠鹵之地混成太田萊作來瘠秦亦切薄也鹵即古切鹹地也草木蟲獸  
之微化爲神貺萬靈垂鑒昭然甚明此而不從臣所  
大感矧又兵戎永戢夷狄咸懷昭然長春昭一本樂作煦  
以終日是以耆老等深感聖育踴躍不寧上奉天恩  
跼蹐知懼跼蹐音局脊頓頽闕下願復鴻名不謀而同無  
期而至此皆上天玄幽贊以誘其衷列聖垂靈以悟其

意臣以爲陛下當敬于斯旨不可忽也臣又伏以陛  
下賞功與能舉賢出滯小言不廢片善是褒豈可使  
臣子之效雖微而必旌君父之德盡美而無稱凡在  
覆載一本此下更有孰不驚惶四字不勝懇禱恐懼之至一本恐懼作恐悚  
謹封耆老等狀奉表昧死陳請以聞謹言

第二表 闕

第三表

臣某言臣伏以耆老等並發丹誠將貫白日請復徽  
號以光聖謨臣以其懇款自中不可禁止遂抗表陳  
請備述微誠伏奉墨詔批荅未蒙允許者衆心尙阻

天意未從懇迫逾深兢惶無措臣某伏惟皇帝陛下  
道大益謙化成彌損雖江海善下每應朝宗之心老子  
云江海所以能為百谷王者以其善下之而日月居高久稱照臨之位况  
復上承天命下親人誠若然辭之理有不可伏以陛  
下功參造化政體乾坤萬邦宅心百靈效職此聖之  
至也明並兩曜信如四時先天不違窮神知化此神  
之極也道德純備禮樂興行宸翰動於三光睿藻窮  
於六義此文之備也五兵不試周禮五兵注戈七德  
咸宣左傳襄公十二年夫武禁暴戢兵保殊方者知  
歸負固者率服此武之成也黃龍皓兔甘露慶雲神

禾嘉瓜祥蓮瑞木萬物暢遂百穀茂滋此天之至靈  
也黎老班曰伏守闕庭鰥發童幼發陵切謹歌道路此  
人之至誠也有其德而無其號拒乎天而違乎人雖  
陛下謙讓之至美抑非臣心之所安也伏以賤志難  
明微誠莫達戴天彌懼履地益慚不任懇迫屏營之  
至伏願早建大號以稱天人之心謹再奉表昧死陳  
請以聞

為耆老等請復尊號表二首 一無二首字

京兆府長安縣耆老臣某等言 一本作石靈等臣伏  
以陛下尊號未復一十九年盛德彌光大化益被 大光

玄字 一作大 加以休徵咸集福應具臻至於今歲紛綸尤  
盛風雨必順生長以時五稼盡登萬方皆稔神意人  
事正在於斯天不可違時不可棄臣等誠懇誠迫頓  
首頓首臣聞恩深必報德盛必崇以陛下九重之尊  
推宗無上以陛下四海之大報效何施唯有尊名用  
光聖理闕然未復誰所敢安臣心則微天意甚重伏  
惟皇帝陛下體昊穹以施化度上帝以致誠今即千  
祥應期百神奉職飛走之物皆已效靈草木之類咸  
能應聖天命降於上人誠發於中此而可辭孰云有  
奉况復野多滯穗畝有餘糧足食之慶充溢於中垣

垣與坻同直郎切水中可居 阜財之謹歡呼於道路

曰坻詩魯孫之庾如坻如京 盡非人力皆是天成神祇之望既勤遐邇之心又迫  
况臣等得生邦甸奉遇聖明身體髮膚盡歸於聖育  
衣服飲食悉自於皇恩被玄化而益深望鴻名而未  
覩懇禱之至夙夜不寧謹詣光順門昧死請復聖神  
文武之號以副天地宗社之心使海內赤子得安其  
所臣等不勝懇倒迫切之至

第二表 一本以此表補京兆府請復尊號第一表之闕

京兆府長安縣耆老臣石靈等言伏奉墨詔批臣所  
請復尊號未蒙允許者捧對惶遽不知所裁天實命

之於臣何有臣等誠懇誠懼頓首頓首臣聞聖君以  
奉天爲心不以執謙爲德以順人爲大不以崇讓爲  
優今陛下深拒天人之誠猶懷謙讓之道臣等愚惑  
未不知所歸且百祥荐臻特表昊穹之睭首卷切五穀蕃  
熟用彰后土之勤億兆嗷嗷籲天請命上下交應幽  
明同心舉而違之臣所未識况臣等共被仁育同臻  
太和陛下德達上玄以豐人之衣食道躋壽域以延  
臣之歲年沐浴皇風二十餘載兒童感化鰥寡知恩  
故臣等出鄉之時歡呼遍野閭里勉臣以不進不止  
妻孥誓臣以不遂不歸唯竭血誠退無面目便當殞  
首闕下終不徒還伏惟陛下照臣懇迫之情誠字一作哀  
臣羸老之命臣等不勝嗚咽慙恨之至謹奉表陳謝  
以聞

禮部爲文武百寮請聽政表三首

順宗時作

臣某等言臣聞大道必體於至公大孝莫高於善繼  
上觀列聖旁考前王罔不俯就禮文仰承大事嚴奉  
宗廟慰安元元然後德教惟新邦家永固伏惟皇帝  
陛下寢苦泣血苦詩庶切草也居喪以爲覆席號慕無時貫于神明  
動于天地未臨庶政猶狗至誠凡在人臣孰不哀懼  
伏惟先聖遺音俾陛下抑哀而聽政本朝乏人使臣

等竭忠以奉上非敢懼死輒布懇詞期於必從以慰  
蒙宇且王業至重軍國方殷一日萬機不可暫闕伏  
願追遵顧命蹈履成規恢王者華夷之望順上帝乃  
眷之懷臣等不勝哀迫誠懇之至

第二表

晏元獻本據文苑英華此表乃是林逢請聽政第三表

伏奉大行皇帝知陛下至性自天恐陛下執哀過毀  
上惟九廟之重下念萬務之殷故遺詔丁寧俾遵舊  
典今百辟卿士顛然在庭瞻望清光已七日矣固陳  
誠請猶未允從內外憂惶莫知所出臣聞大孝之本  
繼志為難酌禮之情得中為貴是以哀迷期數哭泣

有常俯而就之聖人所重

禮記檀弓子思曰先王之制禮也過之者俯而就之

不至馬者企而及之

知難繼也君子不為

同上季子臯曰買道而葬後難繼也

願少抑哀懷仰遵理命

理即治也

以副神祇之望以安億

兆之心光祖業於無窮流德化於天下凡在臣子孰

不悲戴

又第二表

晏元獻本按文苑英華此乃宗元所作

臣某等言臣聞聖凡殊塗邦家異禮故王者捨已從

物用身許天雖居達喪

達即通也

猶以事奪伏以大行皇

帝

謂德宗

道成鑄鼎仙等御龍

黃帝採首山銅鑄鼎荆山下鼎既成有龍垂胡

簞下迎黃帝黃帝上騎後官從上龍者七十餘人因名其處曰鼎湖

萬姓長號

平九有

願望陛下以聰明睿聖嗣守寶圖爰及宅憂迨茲累

日而孝思罔極尚輟乃雍之言高宗諒陰三年庶政

未釐願闕如絲之命臣等嘗覽載籍粗知喪紀若成

周顧命歷代猶遵西漢詔音前王所奉詔音一本作遺詔謂漢文

帝遺詔令天下以日易月我國家以孝理天下文明應期上用此

法胥以傳授蓋事歸至當則不可不遵禮貴從宜則

不得不守理固然也臣等是以上陳愚懇輕瀆宸嚴

冀遂血誠俯親國政而陛下執喪逾切聽理未聞億

兆嗷嗷不知所訴臣以為天子之孝在於保安社稷

司牧烝黎功超百王慶流萬代亦何必守臣下之小

節蔑皇王之大猷固阻羣情務成謙德伏願以遺詔為念奪在疚之懷就臨軒之制天下幸甚

第三表

伏以萬機至重遺旨難違再獻表章上塵旒扆精誠

徒竭天意未廻內外違違人神企望臣聞王者之孝

異於匹夫禮不相洽余專切道資適變當承平之代故

殷帝宅憂而不言商高宗遇有事之時則周王未葬而

誓眾武王伐紂况今戎車猶駕邊候多虞兩河之寇盜難

除百姓之瘡痍未合亂者思理危者求安天下嗷嗷

正在今日誠宜抑其至性以副群心成先帝之大功

繼中興之盛業豈可寢苦苦詩廉切啜泣啜抹悅切庶政闕然九廟之靈何報萬方之望何塞臣等職參樞近誠切邦家若陛下未忍臨軒尚持前志臣等有死而已不敢奉詔不勝哀迫懇切之至

賀踐祚表

順宗即位宗元代節鎮作此

臣某言太子中舍嚴公弼至公弼乃山南西道節度嚴震之子奉某月日勅書慰諭伏承陛下以某月日虔奉典冊允昇寶位凡在群生孰不慶幸臣某誠懼誠抃頓首頓首臣聞天地泰而聖人出雷雨解而品物榮解下是以五行迭用木火更其位十葉重光宗廟輔其德殷宗

龔默再開成湯之業漢文聰明克承高祖之緒陛下重離出曜體乾繼統主鬯彰孝恭之美撫軍著神武之功欽承遺訓承一作奉永保鴻業遏密之中施雨露以被物遐邇之地觀日月之繼明則四維之外八極之表人神胥悅草木皆春煦嫗生成不失覆載煦吁句切嫗於遇切天以氣况臣謬膺藩守累受國恩爰自出身洎乎領鎮沐浴聖澤優游曷時不獲覩闕庭之禮展臣庶之分戴天賀聖倍萬恒情

禮部賀改永貞元年表

宗元為禮部郎中賀憲宗

臣某等言伏奉今日詔今月九日冊皇帝改貞元二



十一年為永貞元年自貞元二十一年八月五日昧  
爽以前應犯死罪特降從流流已下遞降一等者寶  
命方始聖曆周彰載宣臨照之明遂施渙汗之澤臣  
某等誠慶誠賀頓首頓首伏以重光下濟積慶旁行  
漢祖推奉教之尊前漢高祖紀詔曰子有天下尊歸  
於父朕披堅執銳平暴亂立諸侯  
皆太公教誨也今文王遂無憂之志中庸無憂者其  
尊太公曰太上皇  
季為父以正名紀曆名一作明表運行於萬方宥過輕刑  
武王為子流汪濊於四海濊於廢鳥外二切注  
濊深廣也又言饒多歡呼抃蹈遐邇  
攸同臣某等親奉聖慕仰承大化踊躍之至倍萬恒  
情無任蹈舞欣慶之至

禮部太上皇誥宜令皇帝即位智表

順宗傳  
位憲宗

臣某等言伏奉今日太上皇制命陛下即皇帝位光  
奉寶圖不承鴻業溥夫率土慶躍難勝臣某等誠喜  
誠抃頓首頓首臣聞皇建其極存諸太訓帝出于震  
著在易經繼明以照于四方重熙以臨於萬國動植  
品彙永賴昭蘇山川鬼神咸用欣戴臣某等獲備班  
列親仰聖明踊躍之誠倍萬恒品無任抃躍喜慶之  
至

禮部賀立皇太子表

廣陵王即憲宗

臣某等言伏奉今日二十四日制廣陵郡主宜冊為

皇太子改名某仍令所司擇日備禮冊命者天序有  
 奉皇圖載寧臣某等誠慶誠賀頓首頓首臣聞商書  
 載以貞之文漢史傳早建之議前漢文帝紀不惟立愛其  
 在繼明作期陛下奉率前規敷揚盛典顧茲守器之  
 重爰正承華之位尊義方之教載錫嘉名崇建樹之  
 禮式光典命以長而立自符於慎擇必子之選遂合  
 于至公邦本不搖王業彌固此皆宗社垂祉啓佑皇  
 心乾坤合謀保安聖運足以播休氣於四海洽太和  
 於萬靈食毛含齒所同歡慶臣等奉承制命蹈舞周  
 行踴躍之誠倍百恒品無任慶抃感悅之至

禮部賀皇太子冊禮畢德音表

貞元二十一年

臣某等言伏奉今日制皇太子冊禮云畢思與萬方  
 同其惠澤者盛典斯舉鴻恩遂行凡在率土不勝抃  
 躍臣某等誠喜誠賀頓首頓首伏惟皇帝陛下克奉  
 神休以正邦統建天下之本宗廟以安致萬國之貞  
 兆人攸賴典冊既備慶澤載流既廣愛而推恩亦好  
 生而布德緩刑而圜圉知感進勲而嗣續增榮崇教  
 諭之方忠良是舉嚴贄襄之禮賜與有加一作相旌孝  
 悌以厚於人倫敬鬼神而修其祀事况行禮之日則  
 屏翳收蹟屏翳雲師也太陽宣精用彰出震之休更表重

離之曜神化旁暢皇風遠揚自華及夷異俗同慶臣  
其等謬參著定著定位序也倍百恒情無任懽慶踴躍之  
至

為王京兆皇帝即位禮畢賀表

代王權賀憲宗

臣某等言臣聞大人繼明百神所以受職天子有道  
萬國由是承風伏以皇帝陛下纘聖垂休順時御極  
負辰而會朝夷夏明堂位天子負斧扆南面而立注云負背也辰戶牖間也辰隱豈切  
踐祚而統和天人幽明感通遐邇昭泰遂使祥光下  
燭嘉氣旁通周王謝流火之符魯史愧書雲之典食  
毛令齒懼於無窮臣某等幸親昌時獲奉大慶踴躍

之至倍萬常情無任蹈舞欣躍之至

代韋中丞賀元和大赦表

代永州刺史

臣某言伏奉正月二日制大赦天下永貞二年宜改  
元和元年太陽既昇煦育資始霈澤斯降膏潤無遺  
臣某誠慶誠賀頓首頓首伏惟皇帝陛下仁化旁流  
孝理弘闡紀元示布和之令肆青見恤入之心曠然  
滌瑕得以遷善渙發大號申明舊章農有薄征市無  
彊價勲勤是錄爵秩以班寵寧間於幽明澤必周於  
夷夏近甸輕權酷之入遠人忘水旱之災既行慶於  
官僚亦推恩於天屬諸生喜黌塾之廣庶老加絮帛

之優量入所以備凶興廉期於變俗爰褒有客尊賢  
之典惟親詩周頌有客謂二王之後為客戴奉素王宗子之道斯在  
記禮子孔子曰天下孰能宗予綸言一降庶政畢行懷生之倫感悅  
無量臣某等守在遐遠親奉詔條踊躍之誠倍百恒  
品無任感恩拊舞屏營之至

禮部賀冊太上皇后賀表

憲宗即位太上皇

臣某等言伏奉今日日誥良娣王氏冊太上皇后音娣  
弟太子有良媛董氏冊太上皇德妃媛于宜令所司  
妃有良娣備禮冊命者母儀有光坤道克順陰教方行於萬國  
內理克和於六宮臣某等誠慶誠賀頓首頓首伏惟

皇帝陛下對若天休奉揚睿旨長秋既登其正位長秋

皇后所居禴狄亦被於恩光禴音推刻雉飾服也禮記夫人禴狄此謂皇德

妃奉養見三朝之安禮記文王朝王季日三周旋有四星之輔

史記天官書後宮四星末大星正妃餘三星後宮豈獨配乾稱太助日為明

所以表王化之原知孝悌之本冠映千古儀形四方

臣某等捧戴施行踊躍無地無任蹈舞欣喜之至

禮部賀太上皇后冊畢賀表

永貞元年

臣某等言今日日太上皇后冊禮云畢率土臣妾慶  
拊無窮臣某等誠慶誠賀頓首頓首伏以太上皇后  
著虞嬪之至德嗣周母之德音表率六宮明彰萬國

陛下克修理本以暢化源神道知事地之方人倫識

尊親之太豈惟婦順斯備陰禮用修其以播正始於

王風王一作國致時雍於帝典臣某等謬塵榮位獲覩盛

儀踴躍之誠倍百恒品百一作萬

賀皇太子牋代藩鎮賀廣陵王為太子

某言伏奉月日制書殿下祗膺茂典位副青宮青宮東宮

也神異經曰東方有宮青石為牆高三仞門有銀榜以青石碧鏤題曰天地長男之宮温文光

三善之名禮記文王世子篇行一物而三善皆繼照

協重離之慶萬葉固本群方宅心含生之徒孰不欣

戴况某夙蒙期獎職在藩方權抃之誠倍萬恒品

御史臺賀嘉禾表貞元中劉濟所進

臣某言今日日宰臣以幽州所進嘉禾圖各一軸示

百僚者伏以嘉穀順成靈貺昭格天人合應遐邇同

風臣某誠懽誠慶頓首頓首伏惟皇帝陛下睿謀廣

運神化旁行植物知仁祥圖應聖靈嶽不愆於贊祐

燕谷用遂於生成鄒衍禾豐稔既均知朔南之被澤

休嘉克叶見天地之同和六穗慙稱於漢臣司馬相如封禪

書嘉穀六穗異畝耻書於周典唐叔得禾異畝同穎獻諸天子王命唐叔作歸禾嘉

自中形外均慶同歡臣某謬職憲司獲覩休瑞無

任抃躍之至

禮部賀嘉禾及芝草表 貞元中韋臯崔宗所進

臣某等言伏見今月某日內出劔南所進嘉禾圖及  
陝州所進紫芝草示百僚者珍圖煥開瑞彩交映遐  
邇偕至福應攸同臣某等誠慶誠賀頓首頓首伏惟  
皇帝陛下緝熙至道保合太和天惟發祥地不受寶  
嘉禾擢質靈草抽英獻于王庭唐叔慙同穎之異尚書  
薦諸郊廟班史謝連葉之奇前漢武帝紀其泉宮  
生芝草九莖連葉  
既呈蕤蕤之祥蕤魚紀切草盛貌又魚力切更覩煌煌之秀豐年  
斯著聖壽用彰飲和之人權抃無極臣某等優游至  
化披翫殊姿慶抃之誠倍百恒品

京兆府賀嘉瓜白兔連理棠樹等表 貞元中

臣某言今日日中使王自寧出徐州刺史張愔滄挹  
張建封之子所進嘉瓜圖及白兔兒一并出陳許等州觀  
察使上官說所進許州連理棠樹圖示百僚者惟天  
眷命是降百祥惟聖欽承用膺多福臣某誠慶誠賀  
頓首頓首臣伏以大和所蒸至德斯應圖物獻瑞周  
於遠方神瓜合形式表綿綿之慶異棠連實用彰燁  
燁之榮一本作休况金風發祥白兔來擾告有秋之嘉應  
著成歲於神功雜遘紛綸遘大合切雜如山斯委人  
盡登於壽域物咸暢於薰風况臣特感深恩欣逢衆

瑞踊躍之至倍萬恒情

禮部賀甘露表

貞元二十一年宗元遷禮部  
員外郎掌尚書牋表

臣某言中使王自寧至伏奉宣聖旨出延和殿前丁  
香樹甘露一大合示宰臣未時又出一大合令明日  
示百僚甘露見降未止者玄化升聞靈貺昭答必呈  
尤異之應以告天地之和臣某誠歡誠慶頓首頓首  
伏惟皇帝陛下均煦育之功敷滲漉之澤太和潛達  
闕瑞克彰發於天霄特降宮樹朝光初燭方湛湛而  
不晞畏景轉炎更瀼瀼而未已綴葉而珠璣積耀盈  
噐而冰玉呈姿芳襲椒蘭味兼飴醴飴音怡  
餽也然則零

於庭而著異紀於年以標奇

楊雄云昔二帝三王國  
家殷富上下交足故有

甘露零其連漢宣帝元康元年甘露降未央宮大赦於是

是以紀年徒矜往辰孰並茲

日况樹有丁香之珍殿即延和之號所以著芳風之  
遠播期聖壽於無疆事絕古今慶傳遐邇臣謬承渥  
澤獲覩殊祥抃躍之誠倍萬恒品

禮部賀白龍并青蓮花合懽蓮子黃瓜等表

一本此下注  
云京兆恐非

臣某言伏見今日日內出滄洲所進白龍見圖又出  
西內定禮池中青蓮花并神龍寺前合歡蓮子示百  
僚二十三日又出鹽州所進合歡黃瓜圖者二氣交

泰萬國同和動植思協於殊祥遐邇畢陳其嘉應披  
圖按牒聖理彰明臣誠歡誠慶頓首頓首伏以天地  
非遠睿感必通豐瑞重祥累集宮禁池蓮表異靈化  
非常敷彼清光李徵佛書而尤絕成其嘉實驗祥經而  
甚稀積慶旁流自中徂外遂使龍騰白質乘秋果應  
於金行瓜合黃中表聖更彰於土德遠通邊徼近出  
苑園合慶同歡周於億兆况復邦畿之內雨霽必時  
宿麥大穰嘉穀滋茂和風孕育秀一作靈氣陶蒸是皆  
發自帝心達於天意周流升降成此歲功惠被群生  
自為嘉瑞臣其深惟多幸獲遇斯時觀靈眈之備臻

知人和之溥洽無任慶抃躍蹈之至

禮部賀白鵲表

臣某言伏奉進旨宣示前件白鵲者霜毛皎潔玉羽  
鮮明色實殊常性惟馴狎臣聞聖王之德無所不至  
有感則應無幽不通伏惟陛下恩霑動植仁洽飛翔  
故得茲禽呈休效質伏以白者正色式表金方鵲以  
知來淮南子云式彰冠服用符歸化之兆克耀太平之階  
臣職參禁垣獲覩嘉瑞無任慶抃之至

禮部賀嘉瓜表

臣某等今日內出浙東觀察使賈全所進越州山陰



縣移風鄉百姓王獻朝園內產嘉瓜一實同蒂圖示  
百僚者寶祚維新嘉瑞來應式彰聖德更表天心臣  
某等誠慶誠賀頓首頓首伏惟皇帝陛下保合太和  
緝熙庶類德馨上達神化旁行嘉瓜發祥來自侯服  
質惟同蒂見車書之永均地則移風知化育之方始  
雖七月而食幽土歌王業之難五色稱珍東陵詠嘉  
賓之會凡嗣亦詩昔聞東陵瓜近在青門外五色耀朝日嘉賓四面會未聞感通若  
斯昭著者也臣某等遭逢聖運親仰珍圖抃躍之誠  
倍百恒品無任慶悅之至

爲王京兆賀嘉蓮表 王權

臣某言今日某時中使某奉宣聖旨出西內神龍寺  
前水渠內合歡蓮花圖一軸示百寮者祥圖煥開異  
彩交映贊天地之合德表神人以同歡臣某誠歡誠  
慶頓首頓首伏惟皇帝陛下道協重華慶傳種德臯  
邁種德李氏臯陶之後故云陶陰陽之粹美孕造化之精英吉慶  
每見於天心發祥必自於禁掖是使雙華擢秀連蒂  
垂芳香激太王之風影耀天泉之水沈約宋書文帝永嘉二十二年  
天泉池二蓮同幹煥開宮沼旁映給園謂給孤獨園指靈貺  
應期天龍護聖寶曆躋超於小劫神功允洽於大千  
臣某獲覩景平濫居榮寵聞瑞應而稱慶仰續事而

增歡無任抃蹈喜躍之至

為王京兆賀雨表

一表

一字

臣某言臣昨白面奉進旨以近日少雨今月內無雨  
即須祈禱今日便降甘雨者天且不違神必有據密  
雲與綸言繼發時雨將天澤並流臣某誠歡誠慶頓  
首頓首伏惟皇帝陛下憂切蒸黎慮深稼穡思彼未  
兆防於無形滲漉每出於湛恩變化必隨於廣運宸  
衷聳惕已矯御天之龍聖謩既宣遂洽漏泉之澤靈  
靈周布靈徒感切對徒霏微四施黍稷盡成公私皆  
及野夫鼓舞知帝力之玄通官吏歡呼見天心之默

喻臣某牧人京邑動仰皇靈渥澤徒加涓滴無助無  
任感悅屏營之至

王京兆賀雨表二

臣某言臣伏見今月二十四日時雨溥降伏以聖心  
積念天意遽廻移造化之玄功革陰陽之常數臣某  
誠慶誠抃頓首頓首皇帝陛下仁育蒼生恩同赤子  
自頃天雨未降時稼或愆愆食齋戒至誠幽達又慮  
宿麥無備播種失時出於宸衷特令賑貸特一作將睿謨  
潛運甘雨遂周布濩垂陰隨聖澤而俱遠滂沱積潤  
與恩波而共深臣某才術無聞謬司邦甸生成必資

於帝力進退何補於天工沐浴太和慙荷無極無任  
慶躍屏營之至

王京兆賀雨表三

臣某言今月十三日面奉進旨緣自春來少雨宜即  
差官精誠祈禱者十四日臣便差官分赴靈跡其日  
雲陰四合至十五日甘雨遂降伏惟皇帝陛下言為  
神化動合天心未成早曠之虞已積憂勤之慮衆靈  
受職蒼蔚且躋於南山詩蒼蔚蔚兮南山朝濟百穀仰榮滂霈  
遂霑於東作左傳百穀之仰膏雨睿暮朝降膏澤夕周知天人  
之已交識陰陽之不測然則周主徒勤於方社詩以我齊

明與我犧羊以社以方我田既臧謂有事於山川也殷帝虛美於桑林豈若無

災而早圖未禱而先應化超前聖道貫重玄徧野同  
歡傾都相慶臣之欣躍倍萬恒情

王京兆賀雨表四

臣某言臣於三月二十九日奉進旨於諸靈跡處祈  
雨至二十日甘雨遂降者臣聞惟聖有作先天不違  
發令而祥風已興致誠而玄液旋被臣某誠欣誠賀  
頓首頓首伏惟皇帝陛下側身防患道邁周王盡力  
勤人功超夏后聖謨廣運驅百靈以從風神化旁行  
滋五稼而流澤油雲四合膏雨溥周農穡遂一於肥

禱丘交協滲漉盡霑於遐邇蒸黎詠德知必自於聖  
心草木欣榮如有感於皇化有年之慶實在於斯臣  
以無能謬領京邑上勞宸慮運此歲功無任喜懼屏  
營之至

賀親自祈雨有應表五

臣某言臣得上都院官金部員外郎韓述狀報以時  
雨未降親自於龍堂祈禱有靈禽群翔自成行列如  
隨威鳳以翼龍舟其日降雨者中謝伏以時或憇陽歲  
之常候式當聖日無害豐年陛下敦本務農憂天閔  
雨宸慮所至天心自通故得瑞鳥迎舟掩商羊之舞

家語齊有一足之鳥舒翼而跳孔子曰天將大雨商羊鼓舞仙雲覆水協從龍之

徵初泛酒於上宮遂滂霈於率土自中徂外皆荷生

成雨公及私靡不碩茂殷后徒勤於自翦左氏春秋

雨乃以身禱於桑林翦其髮割其爪以為糜周公空媿於舞雩周禮春官

則舞臣以庸虛謬司垣翰有年之慶惟聖之功臣某

不任云云



徒同中書門下十章事

戎行窮賞賚之重

行戶切

死事極褒卹之

優劫脅之役盡除聚斂之名皆去傷痍受煦

可句切老

疾加恩豐財已復其征徭賜種更盈於種

音童嚴

山川之祀神必有依申義烈之家物無不感周王推

忠厚之化漢帝慙愷悌之風太平之德斯為至盛

一作太平之業既崇然則虞巡可復告成

典方行講禮再榮於闕里

後漢章帝過魯幸闕里以太牢祠孔子

臣謬

膺重寄獲親太和并蹈之誠倍萬恒品謹已施行郡

邑宣示軍戎莫不動地歡呼若醉千鍾之酒騰天鼓

舞如聞九奏之音

趙簡子夢遊鈞天廣樂九奏

無任慶賀踴躍之

至

### 柳州賀破東平表

元和十四年詠李師道

臣某言即日被觀察使牒李師道以月日克就梟戮

者

梟堅堯切斷首倒懸也帝德廣運唐命惟新

靈莫皆切廓清

瞻一計切靈兩土也陰而風日瞻

天地貞觀率土臣庶慶并無涯

謝中

伏惟睿文聖武皇帝陛下威使百神德消六沴

相蕩日

天降寶運時歸太來自克夏擒吳剪蜀平蔡

今音庚殊類稽顙群疑革心唯此兇

妖尚聞悖慢庭議既得廟謀必滅

夏謂楊惠琳吳謂李錡蜀謂劉闢蔡謂吳元濟旌旗燭耀於

謀一作謨洪河金鼓震驚於靈嶽

東嶽泰山鄆城自潰寧同

昔嘗之

加文

三十八卷

二

爭鄆王問切唐鄆州東平郡左傳昭公元年魯爭鄆為日久矣齊地悉平無俟耿

陳之戰耿古幸切光武詔耿弇討張步弇率陳俊等擊祝阿齊地悉平五兵永戢七

德無虧左傳武有七德含生比堯舜之仁率土陋成康之俗

介丘霧息已望翠華之來文選南都賦翠華車蓋也沂水風生更

起舞雩之詠千歲之統實在於斯臣守在巒荒獲承

大慶抃躍之至倍萬常情晏本更有伏以舜念克勤禹思受益無疆惟郵既聞

政理之方靡不有初願獻特盈之戒介丘霧息云云

代裴中丞賀分淄青為三道節度表裴行立

臣某言伏見某月日制分淄青諸州為三道節度都

團練觀察等使者元和十四年分李師道所管十二州為三道以鄆曹濮為一道淄青

齊登萊為一道交海沂密為一道蚺豕之穴忽為樂郊氛沴之餘盡

成和氣伏惟皇帝陛下天付昌期神開寶曆復昇平

之土宇拔祿孽之根源自西自東不違於指顧我疆

我理咸得其區分山川備臨制之形道塗適征徭之

便俾侯既定賜履以寧左傳信公十四年齊管仲曰賜我先君履注履所踐履之

界異青交之封爰從古制解曹衛之地實契雅謀左傳

僖公二十八年車甲永藏馬牛勿用俗被雍熙之化

代知仁壽之期農事載盛於耨芟豆切儒風重興於

俎豆足使季札觀魯更陳南籥之儀左傳襄公二十九年吳季札請

觀周樂見舞象箭南籥者山南徂齊復正東方之賦詩臣摠戎

遠地不獲倍駕闕庭

為韋侍郎賀布衣竇群除右拾遺表

韋夏卿所薦

臣某伏見今月日制除布衣竇群右拾遺者臣聞直道之行四方嚮德逸人是舉天下歸心謝中臣伏以竇群肥遯居貞包蒙養正學術精果操行堅明讚詠道真以求其志頃守藩服待所委知及歸朝廷輒有聞薦庶逃竊位之責以塞曠官之尤豈謂天聽曲從贊言無廢况諫諍之職政化是參擢於布衣久無其比周行慶井林藪震驚晦跡寧慮於遺賢懷才盡思於展效臣以性本庸疎動無裨益唯思進拔以報恩榮

區區懇誠實貫金石言而不廢微臣敢竊於薦雄王音

薦揚雄待詔德必有鄰聖代式光於尊隗燕昭王尊郭隗自群受

命冀復面陳迫以疾病接於休假注心蒿念寤寐兢

惶無任喜躍屏營之至

為樊左丞讓官表

一本作韋左丞

臣某言伏奉今月二十八日制除臣尚書左丞寵命

俯臨慙類自失之太鯨之海但覺魂搖戴巨鼇之山

未如恩重謝中臣聞尚書百揆翊亮萬機故天上尊北

斗中樞陛下有南宮左轄晉昇孔坦諒直當時孔坦字方

平咸和初為尚書左丞深為臺中之所敬憚漢拜楊喬閑練故事後漢楊喬桓帝



特為尚書後以黨錮坐獄賈彪等上疏曰尚書楊喬文質彬彬建明國典庶得百僚有憚於會府諸侯取法於京師臣實護才護先鳥謬登清切小也貫握蘭起草昔秦朝經剖竹頒條近貽人瘼備歷中外無聞聲彩版圖載緝貢賦未均於九州銅印更操威儀不檢於三署次即補獄豈易其人聖主求才宜難此受竊謂旁求俊乂側訪瓌奇壞古同切必使德合準繩言成綱紀興化致理時無間言况安上必在於薦賢危身莫踰於曠職倘蒙垂收紫渙謂詔書也今俯本作紫緩非矜丹誠愚臣保陳力之言聖鑒有責成之地無任覲冒惶悚之極謹詣朝堂奉表陳讓以聞臣所讓人別

狀封進

為王戶部薦李諒表 王叔文

臣某言臣聞知賢必進忠臣之大方擇善而居明主之要道况臣特受恩遇超絕古今報國之誠寤寐深切是敢竭愚臣之微分助陛下之至明恢張羽儀弘輔治化臣某誠惶誠恐頓首頓首切見新授某官李諒清明直方柔惠端信強以有禮幹而其文幹一作敬求之後來略無其比臣自任度支等副使以諒為巡官未及薦聞至某月日荆南奏官勅下赴本道諒實國器合在朝行臣之所知尤惜其去伏望天恩授以諒

官使備獻納，異他日公卿之任斯焉。取斯則聖朝無乏士之名，微臣緩蔽賢之罰，無任誠懇屏營之至。

為戶部王叔文陳情表

貞元二十一年王叔文母死，匿喪不發，置酒翰林，自稱母疾病，今當請急。左右竊語曰：母死已腐，方留此將何為。

臣某言：臣母劉氏，今月十三日忽患暗風發動，暗一作暗

狀候非常，今雖似退，猶甚虛憊。都活陟雪二切驚惶憂苦，不

知所圖。臣唯一身更無兄弟侍疾，葺藥難闕，須臾伏

乞聖恩，停臣所職。今臣見在家扶侍，其官吏等並已

發遣。訖臣以庸微，特承顧遇，拔自卑品，委以劇司，夙

夜兢惶，唯思答效。至誠至懇，天聰所知，豈慮未效。消

塵遽迫，方寸蜀徐庶指心曰：方寸亂矣。以開塞重輕之務，謂

度支鹽鐵轉運副使加焦勞憂灼之懷，雖欲徇公，無由枉志。况

忠孝同道，臣子之心，託國誠切於死生，報親忍忘於

顧復。進退窮蹙，昧死上陳，無任惶懼，懇倒鳴咽之至。

一本作昧死上陳，候母劉氏疾，痰小膠，異微，出驚，塞再效，無任云云。

代裴中丞謝討黃少卿賊表 元和十四年詔柱管觀察使裴

行立討黃洞蠻

臣某 云云即日奏事官米蘭迴伏奉手詔 云云者，臣

聞膚革既平，雖疥癬而必去。國語申胥曰：夫齊魯譬諸疾疥癬也。豺狼

已斃在孤鼠而宜除臣某謝伏惟元和聖文神武法

天應道皇帝陛下受命上玄底寧下土兇渠盡殄威

武載揚蠢爾腥膻尚聞凌暴靈旗斜指漢武帝伐粵以壯荆畫幡

日月北斗登龍為泰一靈旗為兵禱則太史奉以指所伐國銅獸俯臨即銅虎符所以發兵

三軍知必勝之方萬姓喜永清之路微臣忝司戎律

親列顏行行戶郎切前漢嚴助傳注顏行猶馬行在前行故曰顏也躡伏波之舊

規光武時伏波將軍馬援擊交趾乘下瀨之故事漢武帝元鼎五年遣伏波將軍路博德出桂楊下湟水甲為下瀨將軍下蒼梧注盡瘁事

甲故越人歸漢者也瀨難也吳越謂之瀨

國期畢命於戈矛不宿于家思奮身于原野即以今日

某時出師就道便披榛蹶石摩壘陷堅左傳宣公十二年靡

旌摩壘而還蕩清海隅永息邊徼切以材非充國敢自贊

於無踰前趙充國曰無踰於老臣志慕孟公庶追蹤於不伐論語孟之

反不謬承重委寤寐兢惶無任感恩隕越之至

為襄中丞舉人自代伐黃賊表

伏以其官器宇端方風姿詳雅謙虛內敏籌略共推

前佐湖南悉心匡佐後歷郡掾深負政聲惠愛在人

姦邪屏息勤勞已著幹蠱無倫今黃賊尚據荒陬大

巢未覆倘以其代某之任必能掃蕩氛祲氣音分祲子鳩咨林

二切妖氣廓清海濱竊惟斯人雅堪厥職云云

為崔中丞請朝覲表桂管觀察崔詠或謂崔能者非

臣歷刺三州連擢二府外任逾紀入覲無階就日望  
雲魂飛心注伏惟睿聖文武皇帝陛下履載無私遐  
邇同致復昇平之故事繼前聖之高蹤中外踐更出  
入迭用臣以虛薄叨受恩榮徒竭夙夜之心未申朝  
夕之敬天威咫尺誠寤寐而無違雲漢昭回固瞻仰  
而何及是以前在朗寧邕州也封章累上及移臨桂桂州  
今靜江府星紀屢周微衷尚隔於戴盆司馬遷云僕以為戴盆何以望天  
積望徒懸於窺管莊子用管窺天用錐指地葵藿之誠彌切犬馬  
之戀逾深人欲天從於茲未驗下情上達終冀不誣  
敢瀆宸嚴罄陳丹懇伏乞賜臣除替許至闕庭厠蹈

帝晉封曰侯侯用錫馬  
晉侯書曰三接也

舞於群僚備班行於散地足超中禁目覩大明俾成  
九族之榮以盡百生之幸非敢竊國賓五獻之禮周禮  
秋官希康侯三接之恩周易一覲龍顏萬死為足無任  
懇迫激切之至

代柳公綽謝上任表

元和六年為潭州刺史  
湖南觀察使

肅恭休命晨夜趨程祇荷寵私不違寢食以月旦到  
所部上訖云云臣聞古之制爵祿者爵以居有德祿  
以養有功臣本書生宦不期達值某皇帝睿聖文武皇帝文  
明撫運大闡玄猶搜采衆才幸忝甄錄歷踐中外星  
霜屢移曾無消塵上谷鴻造忘其薄陋委之雄藩顧

無<sub>二</sub>叙<sub>一</sub>馭之能謬<sub>二</sub>忝<sub>一</sub>澄清之寄將何以敷宣皇澤普諭  
天慈唯當察<sub>二</sub>憲<sub>一</sub>以為防視俗而為教蠲除細故務安  
黎獻庶幾清靜無擾以慰遠人臣不勝忝冒荷恩之  
至

代李愬襄州謝上任表

元和十二年

捧對絲綸慙<sub>二</sub>悽<sub>一</sub>無地拜命兢悚不知所裁臣凡賤瑣  
才智略無取幸賴先臣緒業<sub>愬父</sub>累忝國恩天澤曲  
流遂司節制寄深分閫任重專征顧無將領之才謬  
處衆人之上豈謂宸私軫念仁育為心需澤無涯德  
音屢降士衆感悅咸思竭忠遂得潛師暗入賊境不

意兇渠就戮

吳元

此皆聖謨豈敢叨天以為已力仰

荷殊造重於丘山臣以月日上訖謹當敷宣皇化普  
諭聖慈綏撫三軍又安百姓冀以塵露上答鴻私臣

二云

代節使謝遷鎮表

鴻私曲臨獨越<sub>二</sub>夷等<sub>一</sub>祗荷明命寤寐不遑臣才非器  
能謬膺仕進雖竭盡<sub>二</sub>駑劣<sub>一</sub>力效忠勤冀寡愆尤敢望  
官達某宗皇帝<sub>德宗</sub>不以<sub>二</sub>臣<sub>一</sub>儒術淺薄超授禮官尋  
遷正郎遂忝符郡某皇帝<sub>順宗</sub>不遺<sub>二</sub>臣<sub>一</sub>小善擢處諫  
曹叨承厚恩備職藩翰顧惟瑣劣多<sub>二</sub>軫<sub>一</sub>負恩伏遇陛

卯文

三十一卷

下憲宗也德紹唐虞無私庶政臣尸素歲久謹請宜加  
豈冀褒昇更遷重鎮再忝澄清之寄仍同獻替之榮  
將何以上答天慈下安氓庶臣當務修農稼率勵遠  
人鋤其姦慝以副勤郵無任云云

為劉同州謝上表或云劉公濟

臣某言伏奉某月日制除臣同州刺史兼本州防禦  
營田長春宮使某月日到州上任訖臣初奉綸言震  
抃無極及臨所部驚懼逾深役軀莫報於乾坤陳力  
無裨於造化臣某誠惶誠恐頓首頓首臣出自諸生  
不習為吏有惟懦之質惟音匡懦奴臥切弱也無區處之能託

跡儒門乏仲弓南面之德委身即署闕馮唐論將之  
對常懼叨冒清列蕪穢聖朝豈意天聽忽臨鴻恩荐  
及八命作牧一麾出守拔自下位寄之雄藩非臣庸

瑣所宜膺據况馮翊即同州密邇王都古稱三輔爰自

近代命秩逾崇有兵食之虞有宮室之制皆公卿將

相出入由之仰徵甲令俯窺圖記踴躍無地踴躍無地切踴躍

不伸也以競以惶恩重命輕不知所效庶當刻精運力

一作利精畢力夙夜祗勤上奉雍熙旁流愷悌以日繫月儻

或有成庶幾之心慄慄增惕徒望雲而就日喜近帝

鄉將擊壤以成風共歌堯代天威咫尺敢布丹誠無

任惘懇屏營之至

代裴行立謝移鎮表

穆宗時恐非宗元所作

星言即駕便道之藩祗荷寵榮不敢寧息臣某爰自  
 弱齡即忝推擇階緣試吏累忝清資先聖憲以臣粗  
 知兵妻俾統師徒交蠻俶擾黃賊不馴奉詔俾臣撲  
 滅氛祲士衆賈勇賈音古左傳成公二二思酬渥恩冀  
 因此時得立微效豈謂時多疫癘不副憂勤知臣特  
 深復沆瑕責夙夜感戴捐軀有期徒增憤勇力未從  
 願微臣不幸曩故重重泣血摧肝載崩載咽陛下穆  
 龍興御極寰海永清道暢八埏延種二音威加九

域鴻和普洽靡不周泰伏蒙累垂休命遂越等夷循

省何人過膺抽擢况臣比臨此鎮備更夷險故材舊

壤宛在目前裴行立前為安南經略今復為都護雖則殊鄉還同衣錦

量巨鼇之力未足負恩猶蚊蚋之微焉能報德將何

以宣揚聖造撫慰疲羸唯當遵守詔條貶棄奸慝平

勻僭賊示以義方持清淨以臨人守無私以奉國重

脩前志再礪戈矛展駑駘之効申鷹犬之用庶荒陬

夷獠爪老二音盡沐皇風率土生靈備聞斯慶微臣

之志也限以二云云

代韋永州謝上表

臣某言伏奉月日制書除臣永州刺史以月日到州  
上訖受命若驚臨職彌懼臣以無能累更事任神州  
赤縣實所備嘗過量逾涯每深兢惕不謂聖恩推擇  
濫駕朱輪祿秩徒增詎施乳哺之惠服命虛受寧與  
襦袴之謠况此州地極三湘俗參百越左衽居椎髻  
之半推傳追切髻音計椎髻者一撮之髻其形如椎可憇乃石田之餘左傳哀公十一年猶石田無所用之曠牧守於再秋彌驕曠俗猛古猛切說文犬不可附也代征賦於三郡重困疲人分災本出於一時積弊  
遂餘於十稔撫安未易知法出而姦生子育誠難懼  
力勞而功寡夙夜憂切不敢違寧庶當宣布天慈奉

揚神化以日繫月儻或有成少禪體梯之風用蒼生  
成之造無任感恩殞越之至

謝除柳州刺史表

元和十年

諸本此表首皆云伏奉三月十三日制除臣使持節柳州諸軍事守柳州刺史六月二十七日到任上記

早以文律參於士林德宗選於衆流擢列御史陛下  
嗣登寶位微臣官在禮司百僚稱賀皆臣草奏臣以  
不慎交友旋及禍訕訕許容切一作誣字聖恩弘貸謫在善地  
累更天赦獲奉詔追違離十年一見宮闕親受朝命  
牧入遠方漸輕不宥之辜特奉分憂之寄銘心鏤骨



無報上天謹當宣布詔條竭盡驚蹇皇風不異於遐  
邇聖澤無間於華夷庶谷鴻私以塞餘罪云云

柳州謝上表

貞元中代人作

臣某言伏奉詔書授臣柳州刺史以今日二日至部  
上訖中謝臣前歲以久停官秩去年蒙聖恩除替便欲  
裂裳裹足趨赴京師以舊疾所嬰彌年未愈逮及今  
夏始就歸途襄陽節度使于頔徒歷切與臣早歲同官  
見臣當署在道懇留在館尋假職名意欲厚臣非臣  
所願伏惟陛下光被之德道以洽於區中憂濟之勤  
心每徧於天下常以萬邦共理必藉於循良一物不

遺尚延於愚藐

墨角彌沼二切

假臣寵渥重領方州駑駘復

效於奔馳枯朽更同於華秀

中謝

臣聞潢汚易竭抑有

朝宗之願犬馬無識猶知戀主之誠揣分則然惟天

知鑒况臣昔因左官

漢書仕諸侯為左官

一紀于外子牟馳心

於魏闕

莊子中山公子牟

汲黯積思於漢庭豈非夫人獨無

斯戀去就者榮辱之主朝廷者仕進之源臣子之宜  
忠貞所志臣雖心同犬馬而分比潢汚幸躡康衢意  
非徃蹇臣之此誠口不能喻意欲悉達文非盡言此  
臣所以自咎自恨復乖志願猶冀苦心勵節上奉詔  
條惠寡卹貧下除人瘼恭宣皇化少荅鴻私不勝慌

欣之至

慌音荒博雅曰忘也

代廣南節使使舉裴中丞自代表

或云當作桂中丞恐非子厚所作

前件官器宇深沉天才間出爰從撫字逮於察廉所

職恪勤庶務皆勸日者安南夷獠反叛害其連帥元

十四年安南賊陽清陷都護府殺都護李象古及妻子官屬部曲千餘毒痛黎人痛普

其皇帝以其威惠茂著自某州刺度俾之撫臨是月憲宗

以治州刺史桂仲武為安南都護夙夜經行盡除兵器賊徒識恩黨

種師義仲武至安南遣人說其首豪數月間降者相繼炎荒之俗靡不底寧

後以鎮容州穆宗長慶二年以仲武為容管經畧使勳効彌顯澄清庶

類邁德前修深負能名合遷重鎮臣自惟凡懦不逮

前人伏乞天恩廻授某非惟旌德是亦飾能庶微臣

免尸祿之憂某獲無私之舉

奏薦從事表

某績茂戎軒才優管記操刀必割豈謝割犀割音究

切截也落筆不休寧慙倚馬世說桓宣武北征袁虎

斷也况早登科選夙洽時譚匪

惟詞藝雙美抑亦器能多適比於流輩頗為滯淹輒

敢薦陳伏希榮錄

代廣南節使謝出鎮表

元和四年鄭綱罷相五年出鎮

鴻需曲臨惶駭交集捧對綸綍不知所圖臣謝臣聞  
蕭曹佐漢六合為家稟望匡周萬方同軌臣幸以芻  
賤累忝殊榮天德荐臨遂加台政不能翊宣明聖增  
日月之光俾兇渠勦絕勦子小切人用康寧寔由臣不稱  
職使此艱患伐檀興議負乘招譏常懷覆餗之虞餗音  
敢望專征之寄獻俘未遠展効有期希此微功上  
荅殊造無任一云二云元和四年三月綱罷為太子賓客五年二月陞尚書

為楊湖南謝設表 貞元十八年楊憑

臣某言中使某乙至奉宣聖旨賜臣長樂驛設者恩  
榮特殊宴飲斯及顧茲厚禮猥集微躬臣某誠歡誠

慶頓首頓首臣以多幸屬此昌時任重方隅職忝文  
武其受素餐之刺知無肉食之謀左傳莊公十年曹  
劓曰肉食者鄙未  
能遠以憂以惶寢寐無措豈謂鴻恩繼至豐膳爰來  
陸海兼陳飴醴皆設節一作酒庶當奉揚聖澤覃布遠人  
流愷樂於皇風均乳哺於赤子少陳微効上荅殊私  
無任感恩欣躍之至

為武中丞謝賜櫻桃表 武元衡

臣某言中使某乙至奉宣聖旨賜臣櫻桃若干者天  
睴特深時珍游降寵驚里巷恩溢圓方圓方謂  
組臣臣某  
誠喜誠懼頓首頓首伏以含桃之羞時令攸貴月令  
仲夏

蓋以況今採因御苑分自天厨使發九霄集繁星而

積耀味調六氣承湛露而不晞盈背而外被恩光疾

智才詰二適口而中含渥澤顧慙素食彌切自公豈

圖君子所先遂賦小人之腹左傳昭公二十八年願以小人之腹為君子之

心屬厭而已無任云云

謝賜時服表 代人作

祇荷寵私啓處無地臣謝中臣久忝朝行歷職無效在

再星紀偷榮歲時不能少益聖猷以副深寄致使賊

遺君父後漢耿弇云艱難未息合處嚴憲以正國章伏以

陛下恢天覆之恩廣地載之厚不循彝典俾同冕紱

唐柳先生集卷之三十九

奏狀

為廣南鄭相公奏百姓產三男狀 鄭細

右臣所部貞節坊百姓某妻產三男者臣詳究往例

實謂休徵已量事給絹三十疋充其乳養者伏以陛

下勤郵黎元感通天地靈心昭答景福已興方使億

兆繁滋區夏充勃音何故表祥於字育是啓運於升

平事查化源慶延邦本麟羽之瑞曾何足云臣幸列

藩維嘗叨樞近私賀之至

為薛中丞浙東奏五色雲狀 元和薛中薛華或云薛戎

右臣得管內台州奏月日五色雲見者一州官吏僧道者老悉皆瞻觀已具奏聞并寫圖奉進者伏以景雲上瑞王者社符煥彩彰之在天知聖德之昭感伏惟陛下化孚有截詩相土烈烈海外有截注截整齊也道洽無垠承天地之貞明導陰陽之和氣遂使紛紛郁郁自東而徂西若煙非煙一旬而再至徵諸古謀事罕前聞伏乞宣付史官以昭簡冊

為裴中丞奏邕管黃家賊事宜狀

裴行立

右今月四日邕管秦事官嚴訓過稱押衙譚叔向等與黃家賊五千餘人謀為翻動雖已誅斬猶未清寧

當時差本道同十將其至邕管界首賓州以來迎探事宜兼為聲援昨得十四日狀并嚴訓狀報同其黃家賊並已退散各歸洞穴訖伏以鼠竊狗偷非足為患陛下威靈遠被神化旁行遂使狡狡之謀先期而自露狡一作猾回邪之黨不戮而盡夷伏恐飛章已達吉語未聞尚軫天心猶煩廟筭臣謬居方鎮忝接疆界所得事宜不敢不奏

讓監察御史狀

宗元為監察御史裏行

右臣伏準名例律諸官與父祖諱同者不合冒榮居之臣祖名察躬今臣蒙恩授前件官以幼年逮事王

父也祖禮律之制所不敢踰臣不勝進退惶恐之至謹  
詣光順門奉狀以聞伏聽勅旨貞元十九年閏十月  
日具官臣某奏奉勅新除監察御史柳宗元祖名察  
躬準禮二名不偏諱不合辭讓年月日檢校司空同  
中書門下平章事杜佑宣

為京兆府昭應等九縣訴夏苗旱損狀

右臣謬領京畿已逾兩月政術無取誠懇莫申遂使  
雨澤愆時田苗微損夙夜兢懼寢食靡遑今長安一  
十四縣並準常年例全徵其昭應等九縣臣各得狀  
並令詳審各絕隱欺謹具別狀封進臣當府夏稅通

計約二十九萬石以上據所損矜免祇當三萬石有  
餘恤入則深減數非廣伏以聖慈弘貸憫念蒸黎臣  
忝職司不敢不奏無任慙懼之至謹錄奏聞伏聽勅  
旨

為南承嗣請從軍狀

父南霽雲

故某官贈某官某乙男某官某乙

右臣亡父至德之歲死節睢陽睢宣陛下每降鴻恩

必加褒寵臣自七歲即忝班榮承嗣七歲為垂五十

年常居祿秩再守遐郡為施治二績用無成終貽官

謗甘就嚴譴劉闢反承嗣以無以負荷先志報効殊

無備謫永州

私以慙以懼，隕越無地。伏見某月日，勅元和十四年十月以

王承宗負恩，干紀命將。徂征雷霆，所加殄滅。在近臣

竊不自揆，思竭忠誠。願預一卒之任，以答百生之幸。

庶得推鋒觸刃，摩壘搴旗。左氏傳：靡旌摩壘，摩近也。塞，德塞二音，取敵之旗也。

冀獲盡於微誠，儻不墜於遺烈。踴躍之至，夙夜不寧。

敢希皇明俯鑒，丹懇臣聞。周官考藝，國子置車甲之

司。周禮：夏官諸子掌國子之倅。若有兵甲之事，則授之車甲。漢道推恩，孤兒備羽

林之用。武帝養死事之子號羽林孤兒。千秋思奮於事，越

反韓千秋奮曰：願得勇。仲孺期死於奔吳。前漢：灌夫字仲孺，父

死。吳軍仲孺奮曰：願取吳王若將軍頭以報父仇，遂馳入吳軍。義激君臣名高竹帛。

臣雖無似，有慕昔人。雖身塗草野，死而不朽。披肝瀝

血，昧死上陳。無任懇迫忠憤之至。謹錄奏聞，伏候勅

旨。

進農書狀 農書三卷

右伏奉某月日勅，宣以二月十日為中和節。所司進

農書，永以為恒式者。貞元五年詔。臣伏以平秩東作，虞書

立制，倣載南畝。周雅垂文，此皆奉天時以授人。盡地

力而豐食，自陛下德宗也。惟新令節，益厲農功。既立典

於可傳，每陳書而作則。耕鑿之利，敷帝力於嘉謨。稼

穡之難動，天心於睿覽。勤勞率下，超邁古先。凡在率

土不勝幸甚前件農書謹函封進謹奏

代人進瓷器狀

瓦才資切陶器之綴堅土者

瓷器若干事

一本無此一句

右件瓷器等並藝精挺埴

埴音和

土也埴承職切黏土也

制合規模稟至德之陶蒸自無苦窳

窳音遊

甫切空也病也史記舜陶河濱器不苦窳

合太和以融結克保堅貞且無

瓦釜之鳴

賈誼賦黃鐘毀棄瓦釜雷鳴

是稱土劍之德

劍音刑當作刑土瓦器

也以感菜韓非子日堯舜啜土劍

器慙瑚璉

祭宗廟玉器

貢異祭丹

祭音奴石

中矢鏃禹貢荆州所貢

既尚質而為先

禮記郊祭器用陶匏尚質也

亦當無

而有用

老子埴埴以為器當其無有器之用

謹遣某官某乙隨狀封進

謹奏

柳州舉監察御史柳漢自代狀

元和十年

右其準從前赦文常參官上後舉一人自代者

元和六年

伏見前件官頗有才行長於政術久歷嶺南使職

臣之所知敢舉自代無任懇迫之至

上戶部狀

左降官員外置同正員俸料舊用戶部首員闕官錢充今請改授正官占闕不用上件錢每年約計數萬貫

右伏以左降官是受責之人都不釐務戶部錢是準

勅收貯不合別支又所授員外官亦非舊制宗元在

永州日見百姓庄宅公驗有司戶李邕判給處足明



皆是正官今請悉依故事為準並廢員外所置凡在  
貶黜授以正員責其成功俾無虛授貯錢既免支用  
加數足應軍須實冀貸不濫分官無曠職謹狀

柳州上本府狀

上桂管觀察府

其誠救兄莫蕩以竹刺莫果右臂經十二  
日身死其莫誠禁在龍城縣準律以他物  
毆傷十二日辜辜內死者各依殺人論

右奉牒準律文處分者已帖縣準牒待秋分後舉處  
分訖伏以中丞裴行慈惠化人孝悌成俗屬吏所見  
皆許申明至公之下敢竭愚慮竊以莫誠赴急而動  
事出一時解難為心豈思他物救兄有急難之感中

臂非必死之瘡不幸致殞揣非本意按文固當恭守  
撫事似可哀矜斷手方迫於深來周身不遑於遠慮  
律宜無赦使司明至當之心情或未安守吏切惟輕  
之願况俟期尚遠稟命不遙伏乞俯賜興哀特從屈  
法幸全微命以慰遠黎則必闔境荷慈育之恩豈惟  
一夫受生成之賜儻以律文難變使牒已行則伏望  
此狀便令廢格閣輕賜塵蹟惶戰交深謹錄狀上奉  
聽處分

為裴中丞伐黃賊轉牒

裴行立

當管奉詔與諸管齊進

當管桂管也諸管謂  
容管邕管廣南等路

誅討邕

管草賊黃少卿漢軍馬步等若干人各具兵馬數及

軍將若干前牒奉處分竊以天啓昌期大功畢集神

開興運微惡盡除黃少卿等歷稔通誅舉宗肆暴黃

首領黃少卿少度少卿子昌馮昌謹等自貞元以來數為邊害前後陷十餘州特狡兔之穴

踰伏偷安踰阻頑莊綠二馮孽狐之丘跳踉見怪魚

列切妖也跳徒彫切踉良郎二音見賢遍切以為威孤不射天網可逃侵

逼使臣隳犯王略恣其毒虐速我誅鋤敵國盡在於

舟中吳起過師已期於席上趙充國上屯田云信

宜投戈頓顙面縛乞身歸郡邑於王官效黎獻於天

吏而乃繕兵補卒增壘閉途正當天討之辰更積鬼

誅之罪莊子為不善於幽闇乘輕闖蟻勇劣怒蛙韓

強弩之初子越王伐吳欲人之輕死也出見怒蛙乃為織縞當

下債方問切什也左傳昭公十三事同拾芥力易摧

枯杪忽蜂腰虛見屨於齊芥齊如字又側皆切張軌

突梯鼠首濫欲寄於旄頭突吐忽切梯音脫旄勦

絕有時勦子不索何獲索色宰切左某拱稽致命國

戎鯨鯢豈逃於大戮左傳宣公十二年取其鯨鯢而

切觀上略總帥中權左傳宣公十二年

以喻不義之

人吞食小國

也謂軍中制謀戰士義激於身心列校勢成於臂指蹶張之

技盡出於山林

蹶音厥前漢以材官蹶張注材官之

有蹶張士師古曰今之弩以手張之日擘張以足蹋者曰蹶張拔距之材徧徵於川

洞前漢甘延壽傳投石拔距注顏師古曰拔距者賞

懸香餌令布疾雷莫不鼓舞戎行虔恭師律投軀不

憊於羽檄憊與愆同漢高祖紀注檄木簡長二尺徵召急則插以鳥羽示急也跂足唯

俟於牙璋璋璋以爲牙牙齒兵象故以發兵今日某

日秦事官米蘭迴捧受詔命神飛首勇足蹈心馳懽

聲洽於萬夫勝氣橫於千里國容不入履且及於寢

門司馬法古者國容不入軍軍容不入國也左傳宣公十四年楚子投袂而起履及於室皇劔及於寢

門之外注室皇寢門闕也家事勿關土已填於左闔國語勾踐伐吳入命夫人

自今日以後內政無出外政無入內有辱是子也外有辱是我也王出夫人送王不出屏乃闔左闔填之

以卽以月日全軍出次分道並進所期勦力敢告同

心孔大夫御史大夫嶺南節度使孔戣貞直冠時清明格物全體

許國一心在公兵精食浮爲日固久容府揚中丞當揚

作陽御史中丞容管經畧使陽旻以義烈爲已任勲襲太常安南李

中丞御史中丞安南都護李象古曹王李暉之子以英武爲家風業傳彙

器並膺邦寄克達皇威南則浮海濟師共集堂堂之

陣東則橫江誓衆用成善善之功以此鼓行坐觀盡

敵刑惟勿喜誅有可哀徵側之勇冠一方竟就伏波

之戮後漢交趾女子徵則反呂嘉之威行五領終摧

下瀨之師瀨音賴前漢武帝紀甲為下瀨將嗟此陋

微自貶擒滅勉成良畫速致殊勲雖荒徼之地固不

勞於有征徵吉弔切邊隅而昇平之年將自此而何事畫之

竹帛實謂揚名事須移牒隣管以成犄角舉牒者居

犄反偏引也左氏晉諸捕鹿晉人角之諸戎犄之注

賀誅淄青逆賊李師道狀賀中書門下

右今月三日得知進奏官某報前件賊以前月九日

克就梟戮者伏以天啓聖期神資良弼必有懲討以

致昇平蠶爾兇渠敢行悖亂締交於雷霆之下締丁計切

憲宗討吳元濟李師道王承宗陰黨援乃伏盜京師刺用事大臣效逆於化育之辰

逞豺聲以欺天恣狼心而犯上嘉謨克協威命旁行

破竹寧比其發機走丸未喻於乘勝濁河清濟曾無

溝洫之虞濟子禮切清濟貫濁河大峴琅邪不聞涯岸之阻峴胡

典天兵四合賊衆屢摧然後救劫脅之辜許其歸復

寬註誤之典期以撫循註音卦前文帝紀濟北王反註誤吏民外坦皇

威中感聖德雖在梟鏡梟堅堯切鏡當作鏡前漢志注梟鳥各食母破鏡獸各食

父如狙而虎眼豈不知歸是以未極誅鋤遠聞內潰鯨鯢已

戮見東海之無波氛沴盡銷仰太陽之普照功格於

天地化合於陰陽一德方繼於商書降神自同於周

雅遂使垂白遺老再逢天寶之安指紳諸生遠期貞  
觀之理其特承朝獎謬列藩臣常以突刃觸鋒未為  
効節膏原潤草豈足酬恩寤寐撫心不遑寧處今則  
削平之際慙無尺寸之功開泰方初徒受丘山之寵  
無任憤激屏營之至抃舞歡慶倍百恒情

賀平淄青後肆赦狀

賀中書門下

某官某乙右某伏奉二月二十二日德音以淄青削  
平慶賜大洽率土之內抃躍無窮伏惟周滅三監但  
明誅放之罰漢平七國更嚴斬殺之科未有翦覆兇  
渠撫存疑類威暫行而德洽誅纒及而恩如操兵者

悉獲歸休秉耒者更聞優復與之種食

種章勇切豐以賞

財疾苦盡除鰥孤咸育焚戰死之骨增以賞延憐刃

傷之肌存其廩給滌山川之舊汚申節義之餘寬功

多受三事之榮

詩三事大夫注三事三公也元和十四年斬李師道田弘正奏捷加弘正

檢校司徒同平章事

節著有十連之寵

禮記十國以為連連有帥劉悟斬師道詔以劉

悟為義成軍節度使

較然逆順益以彰明和氣遠周罷七旬之

于羽仁風溥暢收六月之車徒寰海永康夷夏均慶

其忝司戎旅獲奉昇平當伊尹無耻之辰見咎繇惟

輕之德

咎繇即皋陶字

抃躍之至倍萬恒情無任慶賀之至

賀分淄青諸州為三道節度狀

賀中書門下

右某伏見某月日制分淄青諸州為二道節度都團

練觀察等使者害氣盡除和風溥暢裂壤既分其形

勝經野必正其提封河濟異宜海岱殊服八命作牧

周禮八命作牧九命作伯無聞威福之源十國為連已肅澄清之

政鼠無夜動左傳襄公二十三年滅鶉變好音詩泮

惠澤豈俟於崇朝仁化寧期於必代遂使琅邪即墨

田生無慮其異謀前漢高祖紀田肯曰齊有琅邪即墨之饒南有泰山之固北有濁河

之限非親子弟莫可王齊者聊攝姑尤晏子但聞其善祝左傳昭

年晏子曰祝有益也詛亦有損聊攝以東姑尤以西為人也多矣注聊攝二城齊西界姑尤二水齊東界

恭以相公慕參禹績制出蕭規揚子蕭也規曹也隨光輔聖神

永康黎獻其獲逢開泰忝守方隅抃躍之誠倍百恒

品

代裴中丞上裴相賀破東平狀裴行立賀裴

右伏以逆賊李師道克就梟擒已具中書門下狀賀

訖某忝居末屬同族特受深恩踴躍不寧輒復披露

竊以自古中興之主必有命代之臣一德回功以叶

休運故申甫方邵成宣王復古之勲申伯尹吉甫方叔召虎吳

鄧寇耿致光武配天之業吳漢鄧禹寇恂耿弇此皆上下齊志

中外悉心雖成功則多而陳力甚易豈若閣下挺拔

英氣邁越常流獨契聖眷以昌鴻業廟略初定異議

紛然詆訕盈朝，萋斐成市。萋音妻，斐音匪。詩云：萋兮斐兮，成是貝錦。閣下秉心不惑，定命彌堅。討淮右之兇，則下車而授首。吳元服恒陽之虜，則馳使而革心。裴度遣柏耆說王承宗承宗遂獻德棣二州。况師道惡稔，禍盈鬼怒。恣行悖慢，敢肆欺誣。天兵四臨，所至皆捷。次又捨其將校，許以歸還。罪止一夫，恩加百姓。豺狼感化，梟鏡懷仁。梟堅堯切，自致鏡當作鏡。誅夷以成，開泰萬方。有慶四海，無虞遂令。率土之人，盡識太平之理。盛德大業，振古莫儔。然則布政明堂，勒功東嶽。光垂後祀，輝映前王。神化允屬，於聖君崇勳。實歸於宗，袞慶賀之至。倍萬恒情。

為裴中丞乞討黃賊狀

一本承字下有上裴相字

其材質無堪，授任非次。當有事之日，忠懇莫施。遇成功之辰，慙憤空積。陳力之志，誓死不渝。伏惟仁恩終賜展効。今者中華寧謐，頁畢力切，靜也。異類服從。唯此南方尚餘寇孽，伏以黃少卿等，憑培塿以自固。培薄口切，塿力狗切。自關而東，小冢謂之培塿。又云：小阜也。合莖脆以為強。莖寸臥切，斬芻也。脆此莖切，少斷也。劫脅使臣，侵暴列郡。雖狐鼠之陋，無足示威。而蜂蠆之微，猶能害物。最丑切，邁切。必資翦伐，方致和平。庶盡駑蹇之勞，以答恩榮之重。撫心踴躍，夙夜不寧。私布丹誠，敢期明鑒。無任感激屏營之至。

為桂州崔中丞上中書門下乞朝覲狀 崔詠

右某幸遇文明叨承委寄理戎典郡十有四年瞻戀

闕庭神魂飛越頃在邕州 元和五年鄧州刺史崔累

陳誠懇謬尸進律之寵 禮記有功德於民者加地進律 未遂執珪之

願 左傳朝聘有圭 相公膺賢輔聖大叙彞倫中外之臣出入

更踐某自領桂管又逾再周企鸞鷲於紫霄獨無羽

翼仰星辰於黃道徒竭丹誠况正月會朝遠夷皆至

六歲來見要服有期 要一遙切國語注要服六歲一見 豈使班超之

望長懸 東漢班超上疏曰遠處絕域小臣能無首丘北風之思哉 子牟之戀空積

莊子魏公子年曰身居江湖之上心馳魏闕之下 伏乞特申微願錄受冗員

徵故事而不遺揆夙志而斯畢入天子之國願附禮

於小侯拜宰相之事敢希榮於上客 一作上 無任懇禱

屏營之至輕瀆威重戰汗伏深謹狀

為南承嗣上中書門下乞兩河効用狀

右伏以越敗夫差多會稽納官之子 越語孤子寡婦疾疹貧病者納

官其子汙仕其子而教之 趙摧栗腹即長平死事之孤 史記趙武成王十五

年栗腹報燕王曰趙壯者皆死長平其孤未壯可伐也燕師至趙庶頗擊殺栗腹 何堵義烈

之餘色氣猛厲上將効於國用下欲濟其家聲所以

憤激悽愴常思致命者也其先父死難睢陽 睢宣佳切至德

二載尹子奇陷睢陽害南霽雲等 事存簡冊累降優詔榮及子孫爰



自羅縹超身品秩

南承嗣以文死事七歲為婺州別駕賜緋魚袋

肉食廩給

未嘗暫停頃守涪州屬西蜀違逆

承嗣為涪州刺史會劉闢反將

致死命以盡夙心寢戈嘗膽志願未究

晉劉琨枕戈待旦又越王

勾踐嘗膽奮刀筆之吏寘以深文首級之差今復誰辯

唐曰雲中守魏尚坐上功首虜差六級陛下之吏削其爵意苒之謗不能自明

馬援征交趾餌薏苡軍還載之一車後有上書譖之者以為前所載還皆明珠文犀猶賴舊勳

謫居樂土劉闢反承嗣以無備謫永州食人力之粟守無事之官

拳拳血誠無所陳露伏見明制興師討伐恒與元和十四

年制削奪成德軍節度使王承宗官爵以吐突承璀為招討處置使往征之蕤一作爾小

醜尚欲逋誅某才非古人志慕前烈願得身當一隊

効死戎行

胡切平竭平生之忠懇申幽明之冤痛撫劍

心往發言涕零嘗聞漢法有奮擊匈奴者諸侯不得

擁遏又况丞相摠軍國之重定廊廟之謀固當弘獎

無所棄捐伏乞哀憫收撫以成其心無任懇迫惶恐

之至

柳州上中書門下舉柳漢自代狀

元和十年

右伏準元和六年十月十七日勅常參官授上後三

日內舉一人以自代便具所舉人兼狀上中書門下

者今奏請前件官自代謹連狀

為長安縣耆壽詣相府乞奏復尊號狀

德宗時

長安等縣者壽某乙若干人右某等伏以生長明時

游泳皇澤鼓腹且知於帝力食毛敢忘於君恩

左傳昭公

七年食土之毛誰非王臣注毛草也竊見近者祥瑞所呈周於百郡豐

稔之報均于四方有以知上玄降靈誕告嘉應彰我

君文明之化仁育之恩大道既行鴻名未舉是以殷

勤昭著如斯而不已者也其皆陶煦純仁成此耆老

生既無補死而何求唯願上聞帝閣復建尊號用彰

聖德以報皇慈披露血誠伏守天闕糜軀碎骨猶生

之年謹以余丑詣光順門輒進表訖伏惟相公贊翊

明主共致太平而使名號尚鬱天人失望草野愚鄙

切有感焉伏望敷奏之際開陳其要俾下情允達太

願克從成就泉壤樂而無恨輕贖國相伏待典刑謹

狀

為京畿父老上府尹乞奏復尊號狀

京兆尹韋夏卿

長安縣耆老某乙等若干人右某等幸以羸老獲覩

昇平蹈舞薰風謳謠壽域鷹之草木何以報天寤寐

焦勞不知所措伏見聖君臨御玄化升聞瑞應匝於

萬方

匠作答切與而司

豐報窮於四海神祇注意天地傾心

覺悟生人必有為者

一本作必將有為

蓋以挹損徽號近二

十年盛德益光大名未復致遠適積慮幽明憤懷故

自古以來嘉瑞之至未有如今歲之盛也斯乃上玄  
深旨下人懇誠勤勤相符正在於此其等眷戀明時  
朝夕是切惟願早復大號以契天心庶得聖政益光  
鴻光彌遠少遂踴躍之甚今請詣光順門進表昧死  
上陳伏以侍郎道合君臣惠敷黎庶儻遂收採愚慮  
致貢天庭俾草萊微誠得達萬乘非所敢望惶懼伏  
深謹狀

唐柳先生集卷之三十九

重劇丘山捧戴以入閨門空知夕惕裁縫而為衣服  
固可畫行內省疲駑將何谷效

謝賜端午綾帛衣服表

綸言曲臨寵服荐至跪奉殊錫慶躍交并謝中臣謬  
典方州效微涓滴叨承大貺榮重丘山非才忝恩俯  
伏慙荷朱明啓節御府賜衣沐聖澤而溟海方深被  
仙衣而鶴龜齊壽馳心向闕踟影望天慙分五領之  
憂莫副九重之詔臣無任六云

柳文集卷之四十八  
祭楊憑詹事文  
元和十二年  
祭文哭辭  
一本無哭辭字

唐柳先生集卷之四十

祭文哭辭 一本無哭辭字

祭楊憑詹事文 元和十二年

年月子婿謹以清酌庶羞之奠昭祭於丈人之靈元宗

娶憑弟楊凝女為憑之從子婿或云即憑之婿也一本子婿字下有使持節柳州諸軍事守柳州刺史柳

某卿雲輪困困區淪切天漢昭回自然物外寧雜塵

埃公稟間氣見間居切心靈洞開翺翔自得誰屑群猜孝

友忠信聞於九垓音該擷華發藻其動如雷世榮甲科

大曆九年憑舉進士甲科亦矜顯處矜一作務公之倭德有而不顧御

史之選朝之所注公勤於養投効引去憑從事節度府召為監察

御史不樂檢局輒自免去

時任方隅威刑是務公施其惠亦莫有

逆與逆同

京兆之難下多怨怒或由以黜瓦石盈

路貞元中京兆尹李賓貶通州長史市里歡

公捍其

強仁及童孺元和四年憑自江

左遷而出擁道牽慕

道峻多謗德優見憎煩言既詆倚法斯繩

憑與御史中丞李夷

簡素有隙夷簡劾憑江西奸賊及他不

法詔即臺參

臨賀州南

道九疑山名謂諫東逾秣陵秣陵江寧今

臨賀徙杭

顛沛三載天書乃徵入傳王國嘉聲幸與

自杭州召

詹事東宮致政是膺自王傳徒太子詹事年雖始至

入為王傅

道則彌勵頡頏今古頡奚結切頡音杭又音剛與亢

優游德藝實期濟發再光文陛誰謂昊天遽茲降厲

嗚呼哀哉其以通家承德夙奉良姻莫成子姓早喪

淑人貞元十五年子厚妻楊氏卒年二十二無子恩禮斯重眷撫惟新綱

繆其志實敬實勤迨今挈然十有八祀家缺主婦身

遷萬里謗言未明黜伐逾紀德輝間絕音塵莫俟歲

首發函視遠如邇雖當沉痾心術猶治撫膺頓首流

泣瞪視瞪文證切直視貌既斂而還莫傳音旨嚮風長慟於

茲已矣嗚呼哀哉承訃之始卜兆既逾載馳斯文出

拜路隅哀從海濞視齋切禮致皇都寸誠相續終歲不

渝天道悠遠人世多虞寄心雙表謂墓長恨囚拘嗚

呼哀哉

祭穆質給事文

一作祭穆撫州文

昭祭於給事五丈之靈自古直道鮮不顛危禍之重

輕則繫威衰矯矯明靈克丁聖時形軀獲宥三黜無

虧賢良發策始振其儀天子動容敬我直辭貞元元年德宗

策賢良問以天旱穆質對言兩漢故事三公當免卜式著議弘羊可烹德宗喜之載之冊府

命以諫司穆質以制第自抗姦替否與正為期奏書

百上知無不為誰謂劉賈劉向賈誼英風莫追給事黃門

奉職樞機封還付外動獲其宜質累遷給事中政事得失未嘗不盡言

無曠爾位惟公在斯達道之行實惟交友患難相死

其廢日久公實毅然誓均悔咎挺身立氣不改其守

黜刺南荒義言盈口元和四年京兆尹楊憑貶臨賀尉質坐與憑善貶開州刺史

封章致命志期殞首邈矣高標誰嗣於後王命南下

郡符東剖流滯湮淪殲此遐壽或云自開州移撫州未及行而卒耳嗚

呼哀哉公之伯仲信惟先執記曲禮云見父之執執友也穆質穆員穆賞並

秘書監穆寧之子見子厚先友碑陰記感激之風道同義立中司守直

奸權是襲致之微繆誣以賄入瑣瑣其徒榜訊愈急

榜薄庚切董也穆贊擢侍御史朝盧岳妻分財事持平不阿中丞盧紹與宰相實參誣贊受金捕送獄侍

御史杜倫希其意銀鍊甚急詔下三司議於洛邑噫我先君邦憲

是輯同上贊弟賞詣闕過登聞鼓訟寃詔三司使柳鎮李觀楊瑀覆治無之猶出為邢州刺史鎮亦

柳文 卷四

坐取夔州司馬平反群枉反字袁切漢書平反注大忤三揖忤五故切左傳哀公二年三揖在下注三揖卿大夫士

官夔國謂子厚之父坐取夔州司馬前漢義夫掩泣

邪臣既黜乃進其級貞元八年實參貶乃端於庶僚

直聲允集虔虔小子夙奉遺則公在郎位再罹擯抑

時忝憲司竊分枉直抗辭犯長有志無力惟韓洎劉

監察御史韓同憤霑臆道之不行銜媿罔極公在左

泰劉禹錫掖議登秋官先定於志將發其難決白無狀以申禍

端秉心撰詞義不可干會逢友累累力為切謂坐與

曾莫自安感於褚中褚中呂切左傳成公三年荀瑩

之在楚也鄭賈人有將寘諸褚

中以出既謀之未行而楚人歸之有涕洟瀾洟胡官

賈人如晉荀瑩善視之如實出已切瀾落

官切嗚呼哀哉壽宮久翳狼荒萬里禮不可違誠不可

弭抽哀洩憤舒文致美願迴海風以窮洛涘清明如

在神鑿何已嗚呼格思以慰勤止

祭呂衡州温文呂温字化光一字和叔

維元和六年歲次辛卯九月癸巳朔某日友人守永

州司馬員外置同正員柳宗元謹遣書吏同曹書吏

家人襄兒奉清酌庶羞之奠敬祭於呂公化光之

靈嗚呼天乎君子何厲厲惡也天實仇之生人何罪天

實讎之聰明正直行為君子天則必速其死道德仁

柳文 卷四

四

義志存生人天則必天其身吾固知蒼蒼之無信莫  
莫之無神今於化光之歿怨愈深而毒逾甚故復呼  
天以云云天乎痛哉堯舜之道至大以簡仲尼之文  
至幽以默千載紛爭或失或得俾乎吾兄獨取其直  
貫於化始與道咸極推而下之法度不忒旁而肆之  
中和允塞道大藝備斯為全德而官止刺一州年不  
逾四十佐王之志沒而不立豈非修正直以召災好  
仁義以遠咎者耶宗元幼雖好學晚未聞道沮乎獲  
友君子乃知適於中庸削去邪雜顯陳直正而為道  
不謬兄實使然嗚呼積乎中不必施於外裕乎古不

必諧於今二事相勸一作期從古至少至於化光最為  
太甚理行第一尚非所長文章過入略而不有夙志  
所蓄巍然可知貪愚皆貴險狠皆老則化光之夭厄  
反不榮歟所勸者志不得施蚩蚩之民不被化光之  
德庸庸之俗不知化光之心斯言一出內若焚裂海  
內甚廣知音幾人自友朋彫喪志業殆絕唯望化光  
伸其宏略震耀昌大興行於時使斯人徒知我所立  
今復往矣吾道息矣雖其存者志亦死矣臨江大哭  
萬事已矣窮天之英貫古之識一朝去此終復何適  
嗚呼化光今復何為乎止乎行乎昧乎明乎豈蕩而



為太空中與化無窮乎將結而為光耀以助臨照乎豈  
為雨為露以澤下土乎將為雷為霆以泄怨怒乎豈  
為鳳為麟為景星為卿雲卿即慶字以寓其神乎將為金  
為錫為圭為璧以栖其魄乎豈復為賢人以續其志  
乎將嘗為明神以遂其義乎不然是昭昭者其得已  
乎其不得已乎抑有知乎其無知乎彼且有知其可  
使吾知之乎當明茫然一動腸絕嗚呼化光庶或聽  
之

祭李中丞文

御史官屬共祭

維貞元二十一年歲次甲申五月某朔二十二日故吏

儒林郎守侍御史王播將仕郎守殿中侍御史穆贄

當作質字

奉議郎行殿中侍御史馮邈承奉郎守監察御

史韓泰宣德郎行監察御史范傳正文林郎守監察

御史劉禹錫承務郎監察御史襄行柳宗元承務郎

監察御史襄行李程等謹以清酌之奠敬祭於故中

丞贈刑部侍郎李公之靈惟公堅貞守道潔廉成德

當官秉彛卓爾孤直高節外峻純誠內植臨事不回

執心無惑矯矯勁質一作節擢於天枝式是邦族粲其

羽儀發跡內史參其軍事古內史地今鳳翔府自下廟上直詞

屢至廟眉波切前漢賈山自下廟上注廟也于後受邑歷撫疲人公去

逾久人滋咏呻復從京邑辟署司錄振其綱條端我

甸服黠吏屏氣屏必切貪官窒慾赫赫有命登於王庭

邦賦以修國用是經實抗其長以奉準程校其簿書

無失奇贏奇音羈羸音盈謂殘餘物也進為正郎句會是專句右侯古

外切計也乃刺於商虎節登山出為商州刺史化塔為天

也磽确為塔致夷於艱道途謳歌有詔徵還丞我御

史執其憲矩糾逖之志直清是舉慎擇察吏必薪之

楚毛詩翹翹錯薪言刈其楚注楚雜薪之中九翹翹者終始七載不忘祗勤事

無觀瞻道有屈伸皂囊密啓忠懇屢陳令望逾重名

卿是屬拖紳遽聞拖徒可切引也論語云疾君視之東首加朝服拖紳卷衣已

復卷與捲同復始死之招魂也禮記喪大記曰復者皆升自東榮中屋履危北面三號捲衣投於前

禮備賙贈贈作賙賙芳鳳切賙符遇切公羊曰車馬日賙賙財日賙注皆助生送死之禮恩

加命服窳窳有時窳之倫切厚也窳音夕夜也左傳窳窳之事注猶長夜也歲月

逾感播等猥備官屬况當薦延承其規模奉以周旋

近或逾月遠則累年咸承至公官守獲全故事盡在

遺風藹然俯仰庭除顧慕潺湲致誠一觴拜訣堂筵

嗚呼哀哉

為韋京兆祭杜河中文韋夏卿祭杜確

維年月日甲子京兆尹韋夏卿謹以清酌之奠敬祭於故河中節度贈禮部尚書杜公之靈自古謀帥恒

在諸儒晉登却毅亦以詩書從乞逆切左氏作卻俗

公二十七年晉作三軍謀元帥趙襄曰卻毅可說禮樂而敦詩書爰及近代二柄殊

途授鉞之臣率由武夫時惟明靈道貫學徒天子有

命摠其戎車何以邦之維絳及蒲州名並屬河中有山有河

殿此大都殿下練切鎮也焜耀昌時振宣後學命服之盛光

於列岳謂保豐福永縻王爵壽如何期神不可度待洛切

嗚呼哀哉大曆之歲詔徵茂才時忝同道一作俱

起草萊懷策既陳綸言煥開考第居甲大曆二年夏卿與弟正卿

自天昭回分命邦畿夏卿初為高陵主簿步武獲

陪同志為友星霜屢迴長我十年禮宜兄事曲禮十年以長

則兄周游歡洽莫不如志于後多幸謬列周行行戶

又同制書並命文昌及余稍遷吏部為

郎公屬中兵此馬分行夏卿為吏部員外郎再獲聯

事東西相望望音出處同道樂惟其常後余出刺九

載南服夏卿自給事中出為常蘇二州刺史公自左輔遂膺推轂推通

魏闕爰摠九流貞元十五年夏卿為吏部侍郎九流九品也誰謂河廣願

言莫由烹魚之間往復相騰惠好斯厚惟以綢繆綢直

余弟宗卿獲庇仁宇韋宗卿為河中從事命佐廉問忘

其愚魯假以羽翼俾之騫翥騫音軒翥章恕切飛舉也惠文戔戔

卯文

惠文冠也秦時法 赤紱在股 級音弗詩作芾諸侯以 吏冠柱後惠文 赤韋為之古蔽膝之象 此謂韋 宗卿 榮映斯極從容何補承慶惟深報恩無所嗚

呼哀哉天子震悼哀我良臣密印追贈尚書禮殷四方興嗟况此故人循念平昔徘徊悲幸上蔡斯及禮儀畢陳敬薦行潦洩哀茲辰嗚呼哀哉

為韋京兆祭太常崔少卿文 韋夏卿

維年月日甲子京兆尹韋夏卿謹以清酌庶羞之奠敬祭于亡友故太常少卿崔公之靈惟靈率是良志蹈其吉德炳蔚文彩周流學殖丞職切左氏夫學殖也注殖猶生長也孔氏之訓專其傳釋黃老之言探乎幽蹟土韋切六書

奧祕是究是索六書一曰象形二曰指事三曰會意四曰假借五曰諧聲六曰轉注並字

學 叩爾玄關保其真宅藝成行備披雲騁跡康莊未

窮爾雅道五達謂之 康六達謂之莊濛汜已極汜音似楚辭注汜水 涯也言日出東方暘

谷之中暮入西 極濛水之涯嗚呼哀哉夙歲同道從容洛師書洛 至于洛師 唐東都

接袂交襟以遨以嬉策駕嵩少嵩失弓切 嵩高少室二山 名在河南府 伊二水

其樂熙熙丹青可望青雲可期洛中十友談

者榮之惟鄭洎齊各登鼎司鄭餘慶 齊映或喪或存山川

是違繫我夫子繫烏兮鳥 帝二切宜相清時命之不遐孰不

懷悲嗚呼哀哉往佐居守及爾同寮笑遨交歡匪夕

則朝入同其室出聯其鑣甲騎切投文報章既歌且

謠及我為郎優游吏部公為御史持憲天路文陛徐

趨眷戀相顧歡愛之分有加于素自我于邁歷刺東

吳離憂十年復會名都余為侍郎銓摠攸居實得茂

彥奉其規模聯事合情又倍其初我尹京兆公亞奉

常步武相望佩玉以鏘謂保愉樂長此翱翔抱疾幾

何忽焉其亡嗚呼痛哉原念往昔愛均骨肉我有書

笥盈君尺牘寤言在耳今古何速失涕興哀匍匐往

哭撫筵一呼心馬摧剝音木切日月逾邁佳城遽卜素

車千里逶迤山谷透於危切晦爾精靈藏之斧屋禮記

禮記孔子曰吾見若覆夏屋者矣見若斧者矣馬鬣封之謂也

祖奠在廷去此昭昭就爾冥冥敬陳河酌以告明靈

詩大雅河酌彼行潦注臨觴永慟庶寫哀誠嗚呼哀

哉伏惟尚饗

為李京兆祭楊疑郎中文 李實

維貞元十九年歲次癸未四月辛未朔某日檢校工

部尚書京兆尹司農卿李實謹以清酌庶羞之奠敬

祭于故兵部郎中楊公之靈惟靈清標霜潔馨德蘭

薰渟和茂著孝友彰聞濬發洪緒激揚清芬思侔德

祖思蘇恣切後漢學紹子雲楊雄二事瑩彼靈府彬

其英文吐論冠時舒華軼群軼音逸百氏之奧一言可

分旁貫釋老豈伊典墳謂躡公相躡泥贊揚聖君高

山安仰逝水云云嗚呼哀哉惟是伯仲並為士則疑

憑弟凌皆連擢首科大曆九年憑中進士第迭居顯

職公之懿美發自朋僚播於四方令問克昭炯然獨

識卓爾孤標翼翼其容羽儀清朝載筆東掖動無不

紀掖夷益切凝為起草南宮時論增美凝遷司封員

正聲彰聞大衆有艱天子是使貞元十二年凝為

是時宣武帥李萬榮密勿之謀唯道是履復歸郎署

職茲中兵貞元十八年凝起簡稽無撓以考其成禮

逐人注簡稽士卒兵器簿英風未攄沉痾遽嬰病於

也孰云積善降以促齡青歲江表獲同宴語謬為好

仁不我遐阻公之元兇謂楊復惠德音優游多暇眷

眄逾深清言盈耳尺素相尋冀茲競爽左傳昭公三

惠競爽猶可又弱焜耀儒林及此彫落祗摧我心嗚

呼哀哉遣車就引遣詔戰切禮記雜記注遣車載所

遣哀挽先路挽無反切引也挽歌者喪迅風悽悲頽

景幽暮傾都殄瘁揮涕相顧矧茲故人誰任痛慕潢

汗一觴詎寫平素尚饗

為安南楊侍御祭張都護文 祭張舟

維年月日故吏某職官某敬祭于故都護御史中丞

張公之靈交州之大南極天際禹績無施秦強莫制

或賓或叛越自漢世聖曆宣風初鮮寧歲稍臣卉服

漸化稚髻推傳追切卒為華人流我愷悌士燮之理

惟公克繼三國吳志士燮字彥威漢末為交趾太守在郡二十年疆場無事勤勞遠

圖敷贊嘉惠銅柱南表前功載修元和元年張舟自安南經略副使遷

都護本管經略使乃復銅柱以正封略空道北出空與孔同張騫傳樓蘭姑師小國當空道

式遏蠻貊將侯切聚居也一曰隅也梯航連連旌旗悠悠輻輳都

會皇威以流方荷天寵宜公宜侯聲馳帝鄉魄降炎

州禮記體魄則降謂死也嗚呼哀哉公昔試吏時推清能公昔

乘輶輶音遙使者車謂為安南經略巡官人知準繩鯨鯨以安征賦用

登柱史稍遷郎曹繼昇程功佐理海裔斯登張舟二歷御史

檢校尚書禮部員外郎轉禮部郎中為安南副都護充經略副使乃紀南方專任是

憑謂遷檢校太子右庶子兼安南都護兼御史中丞充本管經略安撫處置等使禮分五玉

恩錫百朋尚書修五禮五玉毛詩青青者莪錫我百朋注古者貨貝五貝為朋百朋言得祿之多

開府辟掾群英攸屬顧茲陋微敢厠甄錄甄錄延切既

受篚篚載加命服賜有楚冠用慙豸角豸角漢志云獬豸

如夷瞻程非邈伯氏在宮謂侍御爰滯中途流連隱

憂言念涕濡子姓莫在使命頓殊命作令兢魂吊影敢

神羊能別曲直楚王嘗獲之故以為冠

星言赴命注望幃幄帷一作帷視險

日一

卷

十一

廢斯須情留江徼

音

夢結天隅恩切有裕

詩此令兄弟綽綽有

裕

義乖從役顧慕長慟展轉增惕督力猶在

音音呂脊骨也

或从肉此宜作旅詩旅力方剛注旅衆也

中腸屢激方俟銷憂永期投跡

謙德不福法星降災庭懸遽徹

禮記大夫無故不徹懸注懸樂器鍾磬之

屬喪則

驛計爰來

驛音日驛傳也

撫躬益恨循顧增哀瞻容

莫及報德何階轉車北轅

轅音茜喪車也

申奠克諧望拜徒

至音塵永乖南州斗酒

後漢曹操祭橋玄墓曰隻鷄斗酒過相沃醉

庶寫

幽懷

祭萬年裴令文

裴瑾字封叔

惟靈孝友之性實惟天與飾以儒書洽其譽處

詩是以有

譽處

枵然其量

枵虛驕切疑當作呀虛大貌莊子非不呀然大也

廓爾其宇

人以義來我以身詐寒裳赴急不避寒暑交半域中

多容鮮拒賢於博奕媚茲謙語或泛或沉兩得其所

考禮成文墜章克舉

唐自開元制禮去國恤一章累聖陵寢皆因事掣叔裴瑾佐杜

黃裳聯奉崇陵豐陵禮儀乃撰二陵集禮載之南閣

展樂承職音官式序

常王簿作坐立二部伎圖

既聯秦復

謂二陵集禮

亦圖筍虡

日筍直日簾

播在奉常永傳儀矩脫略細謹傲忽煩言坦

然自居無顧仇怨

韻音宛離也志也

卒成官謗莫究禍源坐

黜中徙再期騰蹇

音軒飛貌下从鳥裴瑾為金川節吏所請御史按章具獄再謫道州

循州為佐掾

孰云蓄積遠此歸魂嗚呼哀哉世稱姻黨鮮



克終吉唯我與君久而逾密追惟淑德嬪于君室堽

子厚之姪上順尊卑下歡儔匹致其孝敬式是仁恤爰及

童孩處心勿失君之仲季堽兄堅弟植茂於文術游

藝相從操觚散帙操倉刀切觚音孤木之方者顧余

寮劣厠迹奔逸莊子顏回曰夫子奔逸絕塵而回瞠乎在後二紀于今交

情若二屢聞彫缺互見遷黜契闊伶俜契詰結切詩死生契闊注

勤苦也冷音零傳普丁切行不正貌一云猶零丁也流落貌分形間質間音間方

期末路稍追曩日時不我謀於焉斯畢營營衛尉堽

兄獨守邦秩想其永哀淮海蕭瑟嗚呼哀哉聞疾馳

簡其命未返翩其計書來自番禺番禺音愚番禺一山名在南海

今廣塊守窮荒山夔與居夔渠追切國語木石之怪

人而猴身能言獨足有眉不申有志不舒况逢零悴當此囚拘

拊膺長慟長慟何如一作天道何如菲禮無取沉哀有餘嗚

呼哀哉

祭呂敬叔文

呂恭字敬叔呂温之弟

維年月日朔友人從內兄守永州司馬員外置同正

員柳宗元謹以酒肉之奠致祭於亡友呂敬叔之魂

嗚呼鞠躬歷聘或以不答孔子屠漁乖離夫何克合

太公望屠於朝歌釣於渭濱大或不容小或見遺往來逢迎今古

參差參初金切差初豆切惟予之中忠勇充之以誠與物退受

其疵智謀宏長辯論恢奇巖義博大巖一作巍與世異姿

何付之器而躓於時躓音致常曰余武王功是期誓者

其力以達皇威者音音詩頌邊鄙不靖俾供輿師左傳

成公二年毋令輿師陷入君地輿衆也呂恭爲山南

西道掌書記江西團練使參軍桂管防禦使嶺南節

度判諸侯順道戎貊咸宜今其沒矣哀志之違知之

無補世又罕知嗚呼哀哉昔與子游尚疑其志及觀

其長誠任其事日異其能歲增其智進如川行浩浩

而遂天乎有亡中道是棄余慎取友惟心之虔周遊

人間餘二十年擯辱非耻升揚非賢一貫於道無四

五馬子之我知不以事遷言而見信貌阻心傳我黜

終世子天於前徒稱子志誰信我言與子俱已孰云

後先惟子之兄謂曰志同義比官刺一州四十而死

子仕方初百年有幾如何默默去我逝已逝市專切

有釋之妻有弱之子海孺東周號哭萬里孺而宣切

敬叔死處東周葵紉之行獲出於此紉直爰陳酒肉

洛陽敬叔葬處式嘉且旨讀茲哀辭以奠而誄魯水嗚呼敬叔吾道

已矣尚饗

祭崔君敏文

永州刺史

夫產崑崙者難爲玉植鄧林者難爲木公以令望顯

於華族藝邃六書字書學該七錄梁處士阮孝緒博

之家凡有書記參校官簿更為七錄一曰經典錄紀六藝二曰紀傳錄紀史傳三曰子兵錄紀子書四曰文集錄紀詩賦五曰伎術錄紀數術六曰鄉錄七曰道錄 耽此黃老舍切 恬於寵

辱入補黑衣戰國策左師觸龍曰願得補黑衣之數以衛王官謂催敦以千牛備身佐環衛

也 出參旬服敏為盤屋三原直 紀綱淮海政令惟

肅書禹貢淮海惟揚州謂 宰制岳瀆周於仁育謂為

龍興令 儲闡典議直清攸屬之欲切謂自揚州久

次推能謂為歸州刺 至于 是邦率由舊俗

和易勿亟優游自足既有少吏勤于庶獄妖誣殄除

淫祠翦覆出令三歲人無怨讟徒谷切 進律未行歸神

何速其成咸一作頁 以罪戾謫茲炎方公垂惠和枯槁以

光鳴鑿適野泛鷓公相鷓倪歷切亦作鷓舡首畫鷓 廣筵命樂華

燭飛觴高歌屢舞終以無荒紛慮斯併憂懷暫忘良

時不再斯樂難常今其奈何顧慕感傷嗚呼室有迭

去川無息流追懷曩辰恍若夢遊奠徹中寢魂遷乘

舟邦人永思匍匐隱憂况我懷德心焉若抽潔誠可

鑒蘋藻非羞

祭段弘古文

世病乎直人悅其和行而不容雖聖奈何提其信義

誰與同波硜硜以經硜丘耕切 堅不可磨游得其人

友擇其益古見李景儉曰温留門下夜與言不知

二人言於崔公公始如可進終會於厄精誠介然將  
時治永州知其賢貫金石追恩懷舊興詞憤激君昔來辱備聞嘉言宵  
會北堂晝宴南軒去適於越弘古南抵容州竇群過  
發病死不日其旋載除我居望爾北轅今者之來丹  
旒有翩闕茲菜志限此中年嗚呼哀哉居實斯貧有  
子而幼孰云履信惟天所佑道途之資敢廢于舊志  
君之行銘石斯授有黎其觴有楚其豆庶鑒于誠臨  
茲饗侑

祭李中明文

李行敏字中明

致祭于亡友中明之靈夫子之道邈以恒兮夫子之

志勵以兢兮求中慊末若履氷兮敦仁以孝實烝烝

兮唯毀死虧禮其他莫懲兮一本作誰毀無虧禮莫懲兮秉端守

一信厥明兮月踰歲長行若登兮外溫其顏內類直

繩兮謾言來加不遽陵兮舉世群非自視弘兮庶優

游于道大賚是承兮掩冤舒抑與類升兮胡茫茫其

不信卒以禍仍兮豈韜忠哀信一作履誼一作裏鬼所

憎兮將教言吾欺終不可徵兮吾方期子於暮冀有

興兮今而棄余志若崩兮若將援而上喪厥肱兮怛

其殞心交背膺兮水之綿綿山萬層兮又淫以雨雪

紆委硯礪兮硯切礪子登切並石貌鳴鶴夜啼群瞑凝兮鳴充

脂切焉屬鶴音 魂鬼以行中道 殘苑兮一本鬼作思

休鶴鶴惡鳥名 集韻巨興切唐韻其 魑魅搗呵曷可憑兮魑丑知切

於切殘苑鬼出貌 觀切老精物搗音麾相搗也 聊致吾慎斯言孰稱兮鬼屬魅莫

呵虎何切責也怒也與訶同

哭張後餘辭 并序

後餘常山張氏孝其家忠其友為經術甚邃而文少  
余七年頗弟畜之與之居終自冲然忘其有入與之  
言鏗爾而厲辯而歸乎中凡人有道而不顯於世則  
曰非其世也一無則道而得乎世然猶不顯則曰命  
猶一命之微不可知知而索乎外者曰性與貌後餘  
作而

之性可謂良矣其貌可謂肅矣一無可謂博實弘裕

宜為大官者老求其所以天賤無可得焉既得進士

明年疽發髀卒後餘之死人咸痛之曰天之佑善人

而殺是子何也激者曰天之殺恒在善人而佑不肖

莊周之說以為人之君子天之小人張君豈天所謂

小人者耶是一者又非論之適也吾謂善與惡天與

壽貴與賤異道而出者也無取喜怒於其中道之出

者多其合焉者固少是以君子之難貴且壽也後餘

母老而喪良子東西者一西下助之哭焉况其知者

耶然後餘不與諂冒者同貴不與悖亂者同壽歸潔

乎身聞道而死雖勿哭焉可也嗚呼一此下更使既  
 聞道而且貴且壽則其顯庸也遠矣又烏能勿痛乎  
 遂哭之以辭嗟嗟張君善不必壽惟道之聞一日為  
 老人皆反是百稔猶幼子之優游是亦黃耆嗟嗟張  
 君寵不必貴尊嚴為仁早服高位淫諛肆慾銀艾淪  
葉銀印艾子之崇高無媿二事吾見皤皤而童皤博禾切  
 赫赫而辱進襦袴於几杖負泥塗於冕服已雖有餘  
 人視不足子之跡不混乎其間者幸也宜賀而弔宜  
 歌而哭吾其過乎與其寵而加貴善而加壽道施于  
 人慶及于母從容邦家樂我朋友豈不光裕顯大歟

而不克也則弔而哭者其無過乎嗚呼

楊氏子承之哀辭

并序楊憑之姪

楊氏子承之既冠有成人之道其明年四月不幸而  
 夭其外姻解人柳宗元為之慟且出涕噫是子也氣  
 淳以愿志專以勤確然而直方吾未知其止也作辭  
 賦書論其言甚偉余方愛之謂可以為器者故不知  
 慟且出涕况其親戚者乎凡天之生物也不類精麤  
 紛疢一本作賢愚混同或遠而合或親而殊然則雖  
 人親戚亦將有不克知其美者若楊氏子者其親戚  
 皆賢咸得知之者也使知之徒以增其悲愁怨號之

聲無為也。用是為之辭，以相其哀焉。相息亮切

葆醇熙兮承貞則，懿文章兮好循直。誠耿介兮又綽

寬，學之勤兮行彌專。質圭璋兮文虎豹，超凌厲兮馳

聖道。方未具兮志求通，道之遠兮足先窮。有母敷

嗷兮有弟哀號。嗷音呼世父孔悲兮。父之兄弟先生為世父後生為叔父湘

水滔滔去昭曠兮沉幽冥，魂冥冥兮竟難託。難一作誰死

者靜兮生者愁，子之叔兮徒增憂。志甚良兮命甚

感，子之生兮又何欲。悲吾耳兮。吾耳一作于身動吾神，誰使子

兮淑且仁。嗚呼已乎不可追，終然苦兮徒何為。徒一作獨

唐柳先生集卷之四十

